

藝文志五

七言古

唐

送王侍御赴江西兼寄李袁州

韓翃

中朝理章服南國隨旌旆臘酒湖城隅春衣楚江外垂簾
白角簾下筇鱸魚膾雄筆佐名公虛舟應時輦按俗承流
幾路清平明山靄春江雲溢城詩贈魚司馬汝水人逢王
右軍綠蘋白芷遙相引孤興幽尋知不近井上銅人行見
無湖中石燕飛應盡禮門前直事仙郎腰垂青綬領咸陽
花間五馬迎君日雨霽烟開玉女岡

嶽麓道林寺偶題寄袁皓刺史

韋蟾

石門迴接蒼梧野愁色陰深二妃寡廣殿崔巍萬壑間長
廊詰曲千巖下靜聽林飛念佛鳥細看壁畫馱經馬暖日
斜明蠓螻梁濕烟散鷺鴛瓦北方部落檀香塑西國文
書貝葉寫壞欄迸竹醉好題窄路垂藤困堪把沈裴筆力
鬥雄壯宋杜詞源兩風雅他方居士來施齋彼岸上人投
結夏悲我未離擾擾徒勸我休學悠悠者何時得與劉遺
民同入東林遠公社

暑日題近宅道邊樹

王 穀

火輪迸焰燒長空浮埃撲向愁朦朦羸童走馬喘不進忽
逢碧樹含清風清風留我移時住滿地濃陰嬾前去却歎
人無及物功不似團團道邊樹

苦熱行

王 穀

祝融南來鞭火龍火旗焰焰燒天紅日輪當午凝不去萬
國如在洪爐中五岳翠乾雲彩滅陽侯海底愁波竭何當
一夕金風發爲我掃却天下熱

宋

廬石

祖無擇

袁山之陽秀水側草覆遺基誰氏宅皆云子發其姓廬往
以文章名籍籍宅中舊物何所存惟有嶙峋一巨石瀾纔
三尺高倍尋久卧塵沙羣瓦礫余心好義因獨往下馬環

觀聊拂拭地表可見十二三已足怪駭動魂魄呼工運錘
塹其旁挽以長繩百夫力謹然鼓譟登大車恍爾如蒙巨
靈擘選置東湖最嘉處四面澄波映天碧倚空突兀無與
鄰頓覺亭臺增氣色彎環幽竇莫敢探恐有乘龍飛霹靂
余嘗南游到陽朔衆峰轟轟春筍植捫蘿踏蘚窮之遍若
此奇作曾未識郡人奔走來如雲故老驚視復唧唧具言
此石遇真賞屈指於今年二百沉埋曠代誰爾珍一日光
怪愈荆壁嗟予束髮大夫後區區志尚惟忠直廿年再謫
非不窮猶慕堅純無改易如何故老不我愚感物再三形
歎息石不能言人有言勿使他時重埋阨

梅堯臣

袁州太守蓬山客來過盧家尋怪石盧家百物今已空惟
石難移留舊蹟埋沒尚存三四分雨淋日炙如被泐太守
惻然呼健兒荷鋤秉錘爭來役健兒掘土不爲堅旋旋剝
沙見圭隙漸奇漸異人忘勞更索更深知幾尺高峰削出
嵩華骨虛竅鑿破蛟螭額千指曳繩車駟輪擊鼓助力歸
東陌東陌東頭湖水傍黃泥洗盡何蒼蒼故宅愈冷東湖
嗜貴賤競觀無礙隔太守自憐堅直心愛少憎多屢遭謫
南入蒼梧及桂林名山徧訪無窮僻所宜厭慣不入眼向
此歌吟尤愛惜我思永叔滌陽時大誇古翠菱谿獲作詩

遠寄予與蘇高唱相隨無節拍今知賢人趨向同玩好託
情忘俗格建康從事胡公疎一見託君如李白雄才落筆
瀉天河綴韻孤清仍險窄入探虎穴誰爲難辭通造化方
能敵殿後吾雖胆力强獨鞭疲馬終無益

游仰山謁小釋迦塔訪孚惠二王遺蹟贈長老混融

范成大

潛田谿淵清洄洄梅州問路寒雲堆連空磴道虬尾滑竹
輿直上無梯階官吏來迎夾道立相逢無言心眼開翠微
中斷空礪吼兩耳不辨供喧厖林間靜極成斷相政要萬
壑號風雷山如蓮盆繞金地龍宮避席餘蒼崖祖師抱膝

坐古塔大禪海浪翻天來騰空狡獪我未暇拄杖踏濕衝
莓苔問龍亦借一席之地解包聽雨眠西齋當年公案忌錯
舉神通佛法同坑埋混融菴中的的意笑我舌本空崔嵬
茲事且置飽喫飯秣田米賤如黃埃

東湖歌

趙汝鎡

湖光蕩綠春拍塞百雉之東纔咫尺五步一亭十步榭軒
窗處處臨水闢露濃晝暖花溜紅烟嫩堤平草連碧俯窺
萍鯉魚上下仰聽木杪禽格磔拂拭塵埃讀祖碑摩挲峰
竅憐盧石中年懷抱多感慨東西跳丸駒過隙山林鐘鼎
同一盡可笑世網甘形役甕邊吏部真得計右酒左蟹船

宜壽縣志 卷三 四
中拍明朝風雨那可料且對湖山醉今夕沙鷗許我再尋
盟從此時携杖頭百

仰山行

趙汝鏡

平生幾兩謝公屐愛山愛水真成癖集雲峰在指顧間年
來抗塵乃絕跡西風愆愆作意登佛境未入心境清九秋
顛氣接嵐氣五里松聲答泉聲招提金碧壓深窈鐘鼓四
時遞昏曉梵音獨許山鳥聽禪夢不驚蝴蝶遶土腴露飽
蔬筍鮮一粥一飯天上仙伊蒲供罷日卓午浮雲半是烹
茶烟四藤欲知閣中味萬字欲參堂上意請將此事且放
置坐看山雨濯曉翠

蟠龍山

張嗣古

蒼龍蜿蜒復蜿蜒崢嶸頭角摩青天劃然下覽衆山小蟠
伏此地今千年雲盤霧結三十六鱗甲參差動林谷不將
霖雨矜神功却向寒巖散飛瀑西風吹我衝晴煙飛甍金
碧懸山巔白雲脚底飛欲盡此身忽在層霄邊問漚堂前
舊消息拍碎欄干人不識心隨境轉萬化新跳出世間縛
不得清興未盡還歸來却立平地聽風雷紛紛冠蓋趨塵
埃此龍此寺長崔巍

雪谷潭

張嗣古

崎嶇鳥道開烟蘿長松偃蹇聲蕩摩白龍怒吼掛絕壁蒼

兕離立迓清波孤筇柱破青苔色雷雨收功神斂跡窮源
不得空歸來掬雪搏珠三嘆息

元

題南泉寺

西域黑氏兒

普菴大士開山祖山色泉聲似西土道成畱與坐禪身名
軋義娥共今古嗣師明照心量奇就地湧出昆野離每年
朝禮秋三月不異靈山大會時翬簷碍日光超忽小草幽
禽盡神物竹枝裊裊認精藍寶塔亭亭秘金骨六時鐘鼓
遶雲天滿月光中布福田花門榕榭空筵席海國栴檀古
鼎烟微塵寶聚他方衆長者金錢宰官俸脩廊夜蒸萬枝

燈齋廚日辦千人供庭前柏樹手親栽願力宏深許再來
須知五百年間事優鉢曇華一度開

明

送劉醫士歌

黃子澄

世人欲學醫國手今人不見古人有古人已遠可奈何力
追猶落軒岐後四時錯運六氣滯窮簷蔀屋多呻吟眼前
盡是學醫者到頭蘇息誰關心宜春劉君故鄉客京國相
逢舊相識囊中贖貯活人方住市懸壺不盈尺夜來疎雨
敲梧桐爲言歸思生秋風侵晨過我揖我別行李便逐南
飛鴻嗚呼上醫不可見搔首乾坤淚如霰還家種杏早成

林宋清當有河東傳

宜春上諭關提

袁熙時年十三

若若腰間橫紫帶
裁裁目下加冠豸
青天皎日具爾瞻
蔽芾甘棠誰剪拜
流落宜春無幾人
淵源洙泗同其派
願存四海一家心
直借東風渡鄙界

皇清

發袁江

施閏章

秀江空翠看欲無
盤渦激瀨寒侵膚
乘流縱棹迅飛鳧
羣山却走如亡逋
岸傍水碓喧轆轤
釣臺巨石青珊瑚
河伯江妃白晝趨
卧聞灘響忽已逾
颯如勁箭離離弧

萬籟奔騰鳥獸呼
枕藉清光離簿書
藤花飄落上顛鬚
逸興今朝不可孤
舉杯滿酌酬江湖

臨發登宜春臺短歌贈袁生繼梓

施閏章

問君何事不得登高臺
黑雲積雨連江來
簿書如山眼不開
今朝走馬且徘徊
空濛遠山碧天盡
滾滾塵世等飛埃
君不見千山寂寞皆
崑嶠大小袁山在
人口處士翻成古郡名
古來富貴亦何有
袁生兮袁生樓頭酬爾一杯酒

秀江橋成志喜步守憲施公韻

袁繼梓

清流循州郭
迤岸環序英
江天距如許
隱隱蛟龍生
名

賢臺榭當北洲藜光劍氣涼陵邱朝來負任竝擔荷招
招叩友限汪流往哲恢宏先後起長虹百丈橫盈水凌
雲屹柱幾春秋藕折其腰碧波裏余哀先子盛心蓬聚
沙飲泣號寒蟲平政幸有多君子濟川不次樹鼎鐘百
千那許輓沉蹟橫欄甃玉重聯縫補天並昔不相讓複
道平康凌澤宮猗與偉烈非常有淋漓碑載行人口走
鯨怒鬣逼北溟青青漁火春雨後壯擁金湯漫紀年先
澤亘綿懷愴然林林碧樹依兩岸可堪隕墜愧前賢迢
遙相對如雲客共頌徽音矯霜雪吞壓萬頃廻東去長
存悠悠思不絕

湛郎橋懷古

習廷獻

城之東袁之陽自昔有橋名湛郎何爲橋不朽當年郡
吏非尋常連襟彭伉題名早廣羅名士坐中堂憐郎閣
後無兼味側目笙歌竟如沸譬若神駒伏櫪鳴伯樂不
能吐其氣倏忽旋空冀北羣變吏爲儒剛且毅座間名
士盡茫然閣後書生宮錦衣嗟哉彭伉意何如聞之失
聲且墜驢貧時相識不相好富貴崇朝驚絕倒君不見
仰山翠聳與天鄰秀水灘高錦浪頻雲物卷舒無定態
胡爲膽落水之濱嗚呼水濱久乏墜驢客我過此橋空
太息

鄧公石

葛繼孔

化成西去十餘里中流有石如虎距神工鬼斧費雕鏤
風濤激射雪霜飢面面玲瓏青蓮花龜鼉懾伏蛟龍覩
騷人墨客過莫賞挾柁詬厲亦已屢我適萍川經其旁
維舟流連不能去剪剗荆榛除糞壤酌酒歌呼人爭顧
乃知神物不終湮豈同頑礦擲私路土人傳爲鄧公遺
其說荒唐固難據存而不論仍其名作詩以爲山川助

遊化成巖

梁穆

暖風初噪簷前鳥思向城南踏芳草漫驅羸馬緩尋春
休沐喜無俗務惱浴堤弱柳染輕黃一羣花鴨戲芳沼

黛色迎眸分外青化成巖畔東風早嶙峋怪石虎豹踞
槎枒老樹藤蘿繞策杖褰衣逞遙矚鬢鬢點點羣山水
溪流如玉蕩微波萬頃春光入浩渺青蓮洞裏更深邃
嘉名錫自宣城老一峰側出勢若懸睽腸疑驚天柱倒
我聞仰山山絕奇突兀有餘幽秀少何如此巖靜且便
聲平咫尺無煩僕從擾笑我官閒似馬曹甌塵不表侏儒
飽孤情祇與邱壑宜蝸角任渠鬪工巧披拂苔蘚認奇
字勢走蛟蛇不可曉坐石臨流鼓我琴一曲忘機滌煩
燥盤礴竟日興未窮夕陽已掛蒼松杪歸鞭迴指讀書
臺衛公遺跡誰探討山川無恙人是非僕僕風塵何日

了逝將解組焚銀魚西屏卧對青山好西屏恒郡山名

九日登宜春臺

江 臯

君不見宜春高臺接天起收攬烟雲入城裏漢代長沙
錫壤年干霄傑閣從茲始遂令羣峰羅立逼空來遠翠
遙青散霞綺朝昏變幻轉雙輪衢市蒼茫蕩烟水憑空
結構等蓬萊萬家圖畫無起止陵谷俄驚幾度更登高
作賦長於此逸興先推李衛公林壑清風隨杖履芳躅
何人稱後先守令棠陰同畏壘吾宗小謝剖符來種花
拓地鋤荒枳我夢池塘春草生游筇九日扁舟艤插萸
載酒共登臨江山應接紛難紀碧玉青羅襟袖間秋聲

響落清人耳千仞高寒望仰山晴空碧立後峰峙我昔
曾登岳麓巔定王臺上平如砥置身縹緲入層雲幽懷
較此羞堪擬此地人傳高士風東籬不見黃花藥倚醉
狂吟望五雲願君早振飛鳧趾

九日登宜春臺望昌黎先生祠有感 張世幾

生晚不識韓荆州振衣千仞初凝眸祠樹蒼蒼出雲際
晴光灑氣橫清秋夫子文章推大雅李公皇甫盡入治
讀書須讀原道篇抗疏功不在禹下我來懷古瞻丰儀
摳衣遙拜先生祠山斗依然古道貌慶雲曾經結主知
極日衡山翔鳳起灑酒浩歌情無已臺高不住落帽風

飄飄衣袂快仰止

重修昌黎書院落成得長句

胡應麟

吁嗟乎袁城斗大踞江介山迴嶺複水如帶市冷惟聞
晴雨鳩官閑日償詩酒債笑余落拓縮銀章仰止昌黎
夫子不可望舊政載人心崇祀歲爲常祠自宋代祖公
建黌西數楹陵谷變有明重道輪奐新移構宜春臺左
畔吁嗟乎人生死不死文章功業耳夫子女起八代表
其功直與孟氏比似此明禋世道關千古歸然自不刊
豈同民諛長吏創一祠官在崇之官去刪我來兵燹餘
堂廡無扁牖茂草等腰長一主葦苔厚力爲鳩工不少

停滂漉者新破缺增虔率諸生遞展拜備陳俎豆告厥
成因拔黌俊爲師長肅將烝嘗開迷罔公餘考業時登
堂書聲喜應四山響勉矣休爲月露篇各手昌黎夫子
之一編不見當年黃與易能遵文教名高懸又不見廬
陵歐陽公得韓三昧名後先吁嗟乎人苟自立寸陰惜
私淑何嘗無親炙我願多士薰辦香莫道風微斗山隔
春日偕友人登城遠眺兼過珠泉寺暨兵道署舊讀

書處感賦長句

胡衣德

逸興豪少年客風光好尋春屐爭奈宜春春雨多短窗
宿霧濛濛織忽喜一輪紅疾呼同志躡履趨東風齊上

女牆恣遠眺雲封四面囊城小城外村墟類曉星城中
市井多啼鳥邈迤南郭春行倦重重綠樹珠泉見城門
趲出叩禪關一泓水鑑游人面癡僧愛客笑相迎茶煮
松鱗折脚鎗一杯兩杯消我渴但覺習習清風腋下生
歸來又踏東城路放眼心驚讀書處白髮老翁亟啟門
蒼涼草色迷舊署不堪思往日燈火一編殘春苦鶻啼
劇秋悲蛩語寒回頭咫尺官衙屋母懷子舍時跼蹙
遣長鬚問餐暮遣老嫗視宿今來庭下栢如故堂前我
母同晞露念此一步一躑躅歸歟池水斜陽浴疲憊枕
書忽夢母勗余須惜少年春毋碌碌

三月二十五日袁江道中舟行苦熱雷雨過後清風

灑然縱筆書此

張鵬翀

暮春煩熱如相煎蓬窗手談倦欲眠亂山蒸雲忽盈湧
長風捲波奔洶洶藏舟未穩驟雨來頽墻裂石驚轟雷
漏痕滿船無處避歛疑身卧雲濤堆須臾雨止雲氣潰
黛色金鱗雜光怪清風毛孔汗珠收四體忽輕疑脫械
江神酌酒鼓鼗鼗閣外青山指峽中吟嘯未闌山色暝
村燈漁火半江紅

秀江泊月

熊曰華

風靜石頭灘魚戲秀江月灘淺水聲高月逐江流歇白

雲片片醉飛觴銀河灑灑連波光沙鷗出沒村烟外漁
火零星蘆荻傍樓臺徹夜笙歌起舟中之人快入耳遷
客當年此地多鷓鴣聲渴袁山兩借問山靈誰最賢高
士於今傳姓袁江上長歌明月篇舉頭望月月在天
辛巳袁陽歲太稔衛公閣適成喜而歌示僚友

楊應璠

衛公勲名懸日星老夫夙昔心所欽君臣投契古難遇
晉公而後罕其倫雲龍風虎卓變化開濟須仗英雄人
如何國是般紛紜悉怛之議撓不行化成邱壑美無敵
聞以融師伴遷謫崖前晞髮長讀書宛宛松根見遺蹟

當年肇也部下生唯公趨士屬前席破天荒忽得名元
海潮賦就聲赫奕袁陽人文此發祥嗚呼盛德安可忘
臺傾樹圯幾滄桑白雲暮靄屬空王伐材陶甃及時舉
賢侯濟濟來輸將昌黎一體同表揚巍巍翼翼開堂皇
伏臘泛醴陳膏蔘朱薨畫棟輝且光嗟哉昔日騰雌黃
毋乃鴟嚇空驚俛我生較公實多幸 朝廷宵旰勤邦
政四野教寧樂太平絃歌比戶稱明聖公餘退食自委
蛇豐盈最喜年年慶一官那得爲閒忙萬事終當歸靜
正山川城郭想儀型長史風流千載情閣下秀江秋樹
綠侑觴來薦楚鄉萍

袁州郡齋石筍歌

熊為霖

鬱林石筍捎雲巔移植宮墻何歲年倚天拔地氣千尺
不以尋丈為拘牽峻嶒一切渺塵土苔花綠蔭相新鮮
邱壑谿谷納烟雨迴風吟叫生盤旋如丈人立泰山頂
如真官禮星斗前有如干櫓仗仁義亦如雪鶴蹲芝田
雷堆鏽塊頗困蠢劈以霜劍如筍然摩挲節目抱青筠
苞牙滴露沾連錢就中透漏還皺瘦玲瓏天巧仍完堅
神工鬼斧謝開鑿畧無意匠傷天元齋廊列侍就有道
借光鐘簾陪琴筵鏗錡好句擲金石骨力瘦硬誰瑯鐫
解得於人不於石靈蹟藉以人文傳袍笏欲具米顛拜

圖以海岳心拳拳

盧石歌

彭維舉

東湖之水連天碧東風吹浪掀危石危石嶙嶙踞上流
巉巖遠映明霞赤吁嗟盧室成墟址遺石千年空赫赫
雨露淒涼鳥雀棲風霜飄泊蒼苔積物換星移亭復頽
介然猶自重方格古人傲骨不可留石頂封雲增惋惜
盧洲水遶盪孤舟盧石烟寒迷大澤海潮聲遠幾徘徊
仰止高峰懸咫尺

石康令羅公父子死事歌

林有彬

公姓羅名紳公子名鑑宜春人為廣東石康令天

順成化間土寇肆起公父子死焉

嗚呼石康羅公名父子以身殺賊為賊死鑑死父孝紳
死忠稜稜大節滄海溟有明天順復辟初石曹內亂禍
邊鄙石康小邑南海隅北鄰藤峽西交趾獯獪醜類竄
藜莽土著流離轉遷徙餓殍枕藉遍交衢戕人肌膚創
人髓官軍時臨博白東檄公會議曹村里奮勇單車赴
大營提戈匹馬偕公子公出賊集如蟻蜂義難返顧安
都市巢覆卵破百憂煎誓欲滅此將何恃鑑也年少人
中豪慷慨返擊冒石矢小卞忠勇銳莫當衝突颯爽賊
披靡轉戰勢孤絕援兵裂背啣刃髮上指書生報孝兼

報忠視死如歸甘如旨

公子隨公赴博白大營中途聞賊劫縣鑑返遇賊舟木力戰死

之公有令嗣垂不磨痛定招集醫瘡瘠撫字凋瘵課農

桑百方籌度勤安牧維時藤峽更披猖蔓延直入陷城
壘躬先吏卒相扶持同時被執奎與紀以利給賊脫之
難十日不食我何餌吮血罵賊血模糊張髯露頸猶齧

齒

公倉猝守城時九藤賊笑至力驅為所執同被執者舉人伍星奎監生周泰陳紀公以利給賊釋奎等罵

賊死焉

吁嗟忠孝聚一門大義耿耿中流砥天地正氣留

炎荒編之地誌文闕史我同公里異傳聞摩挲豐碑神

遙企石康邑廢今無存峩峩廟貌靈光歸歲時伏臘祀

蠻疆蜚娘珠戶薦芳芷

石康今為鎮隸合浦地有羅公廟祀公父子士人禱賽弗絕

三百年來尋舊踪長歌紀述傳桑梓

飛劍潭

張運南

萬山歷亂石齒齒靈源遠峽傾石髓絕幽鑿險始留名
浮雲幾變雙壁壘昔有將軍稱姓王腰佩青虹閒徙倚
上窺削劣掀天之危巖下臨瀚海鼓地不測之涯涘翰
頭飛躍化爲龍招之不得迷霧裏延平津上已蕭條神
物縱橫復如此於今沉埋幾千年河伯荒落五丁死石
門鳥道雖劃開捫壁惴然頻失履潭水黑土花紫老藤
走黝歸松濤嘯虎兕行人細語雜不聞青天白日雷貫
耳曲磴空有望仙亭瀛洲遠近知何似竹筏沿流不敢

登已須凌虛泛赤鯉青虹兮青虹與我斬蛟破浪乘風
起

介亭石

易儒傑

數仞壁立勢崔巍奇石久與宮墻依當年故物屬盧氏
盧公好事世所稀持節歙州宦情薄不載金玉載石歸
人間轉盼成今古烏衣巷口宅無主敗瓦頽垣石湮埋
數百年來飽風雨憑誰移向東湖東太守風流人姓祖
巖巖氣象類應孤後先相賞有吾徒汲黯何人石堪比
品題定自張敬夫從此經歷幾歲月介亭圯盡湖水竭
萬夫推挽入城來泮水澄鮮石突兀諸君愛石豈徒然

欲使此邦仰前賢石以人重人不作此石崢嶸常如昨
九日隨保齋郡伯遊化成巖

羅允成

蒼山矗立青芙蓉蛇徑縈行一線通書樓遺蹟倚巖壁
構此者誰李衛公公之相距千餘載江山映發長如在
已將勲業著綸扉飛鴻踏雪留文采保齋郡伯今平泉
袁陽政平德化宣良時遊賞攜僚屬勝境登臨瞻昔賢
遠近參差珪笏拱蓮花萬朶攢作洞危亭一角隙地安
標題幾字豐碑重託賦樓畔相盤桓林巒四遶聞風湍
藍水高唸杜陵句龍山更整孟家冠坐中公子詩情劇
徵咏傳觴布瑤席未知長史讀書時可有今朝探勝客

公昔鎮海左遷來卽仕卽學樓址開黨魁雖負太牢謗
愛士還掄子發才郡伯愛才前人匹豈徒片石表嶽岌
齊將大筆鎮巖阿好配會昌一品集

化成巖

梅照壁

巨靈何年弄刀斧斫劖石根伐頑土清空一片現玲瓏
形狀怪變指難數惟餘一事尙未足無讀書聲山總俗
忽然招致李衛公相業拋殘此遷逐長吟短吟山谷鳴
十五篇賦咳唾成書聲一歇又千載山靈抱恨鬱不平
堂堂我公來出守政餘選勝攜樽酒哲嗣愛山兼愛詩
興酣落筆輒千首韻事遂繼衛公傳名山每結才人緣

山中花鳥俱改色春江秋月爭暄妍却怪唐家大昏蔽
賢如衛公成鑿枘廟堂寂寂山孤淒撫卷那免感慨繫
何如方今際昌期鼓吹休明儒者爲公子翩翩好才
調蓬瀛仙鳥相待抒鴻詞

書化成巖紀畧後呈保齋太守公子上峯

龔 鉞

我不見李長史但見太守隆袁州我不見化成巖但見
託賦傳新樓憶昔尋詩桂林去往來此地搜韓句揭聞
典郡有名賢十載欣逢爲李御一編出示惟化成特假
贊皇心迹清豈其美仕始能學要以去日猶知名此際

徵黃歸袞繡我公政業昌黎後新圖別紀化成石玲瓏
巧繪篇篇瘦此巖何止百平泉我公且笑鬱林船安帆
自飽風雨袖賢祠能傳祿二千我亦題詩附新畧有人
偏我鞭先着謂傳何日紅綾文字遊再寫青油笑談樂

獅子石

巖前有石酷似獅子
遂以此三字鑄之

德 成

君不見媧皇鍊石天缺補離奇光怪爍千古又不聞楚
王宮前聲若雷驚人一吼獅子柱阿誰移此鎮山門鋸
牙鈎爪巍巍蹲突出儼然百獸長渺視衆山如兒孫小
獅帖耳復仰首大獅顧盼張巨口吞吸雲霧驅風烟虎
豹潛踪犀兕走目光閃閃紫電飛仰鼻奮鬣震巖威生

平具有超羣志肯與羣毛共卑微我今命爾名白澤爾能成獅我叱石石乎獅乎應點頭大書三字於爾額

七言律

唐

送柳使君赴袁州

劉長卿

宜陽出守新恩至京口因家始願違五柳閉門高士去三苗按節遠人歸月明江路聞猿斷花暗山城見吏稀惟有郡齋牕裏岫朝朝空對謝元暉

暮春宜陽郡齋愁坐酬劉七待制

李嘉祐

子規夜夜啼楸葉遠道逢春半是愁芳草伴人還易老落花隨水亦東流山臨睥睨恒多雨地接瀟湘畏及秋唯羨君爲周柱史手持黃紙到滄洲

酬別李袁州

竇叔珣

少年經會復經離，老大關心總是悲。
強說前程聊自慰，未知攜手定何時。
公才屈指登黃閣，匪服胡顏上赤墀。
想到長安誦佳句，滿朝誰不念瓊枝。

量移袁州張韶州端公以詩相賀因酬之

韓愈

明時遠逐事何如，遇赦移官罪未除。
北望詎令隨塞鴈，南遷纔免葬江魚。
將經貴郡煩畱客，先惠高文謝起予。
暫欲繫船韶石下，上賓虞舜整冠裾。

賀鄧璠使君正拜袁州

彭蠡

六年惠愛及黎甿，大府論功俟陟明。
尺一詔書天上降，二千石祿世間榮。
新添畫戟門增峻，舊躡青山路轉平。
更待皇恩酬善政，碧油幢到郡齋迎。

山中臥病寄盧郎中

伍唐珪

十年耕釣水雲間，住僻家貧少往還。
一徑綠苔凝曉露，滿頭白髮對青山。
野僧採藥來醫病，樵客攜觴爲解顏。
空戀舊時恩獎地，無因匍匐出柴關。

別宜春赴舉

盧肇

秋天草木盡凋疎，西望秦關別舊居。
筵上青樽今日酒，篋中黃卷古人書。
離山且作啣蘆鴈，入海終爲戴角魚。
長短

九霄飛直上不教毛羽落空虛

射策後作

盧肇

射策明時媿不才敢期青律變寒灰晴憐斷鴈侵雲去暖
見醯鷄傍酒來箭發尙憂楊葉遠愁生只恐杏花開曲江
春淺人遊少盡日看山醉獨回

及第後送潘圖歸宜春

舊志注楊
勣作非

盧肇

三載皇都恨食貧北溟今日化窮鱗青雲乍喜逢知己白
社猶悲送遠人對酒自驚千里別看花自感一枝春君歸
爲說龍門事雷雨初生電繞身

及第後江陵觀競渡寄袁州刺史成應元

盧肇

石溪久住思端午館驛樓前看發機鞞鼓動時雷隱隱書
橈翻處雪霏霏衝波突出人齊噉躍浪爭先烏退飛剛道
是龍君不信果然奪得錦標歸

和主司王起

一作奉和主司王僕射
答周侍郎賀放榜作

盧肇

高高降德爲時生洪筆三題造化名鳳詔佇歸專北極驪
珠搜得盡東瀛褒衣已換金章貴禁掖會隨玉樹榮明日
定知同相印青衿新列柳間營

戲宜春李令求廳前杜鵑

盧肇

杜家有女小名鵑生在陶公吏案前百里望風驚調態千

金買笑愜當筵須防戶外鋤蘭地莫把籬東種菊田爲問
河陽嬌艷主聘財都要幾多錢

巖塘經亂書事

鄭 啟

塵生宮闕霧濛濛萬騎龍飛幸蜀中野築傅巖君不夢軒
乘衛懿鶴何功雖知四海同盟久未合中原武備空星落
前軍妖氣滿漢家麟閣待英雄

梁園皓色月如珪清景傷時一慘悽未見山前歸牧馬猶
聞江上帶征鞭鯢爲魚隊潛鱗困鶴處雞羣病翅低正是
四郊多壘日波濤早晚靜鯨鯢

聞宜春諸子陪鄧太守玩月

黃 頰

一年秋半月當空遙羨飛鯨接庾公虹影迥分銀漢上兔
輝全寫玉筵中笙歌送盡迎寒漏冰雪吟消界夜風須向
東堂先折桂不如賓席此時同

送

一本有同年二字

黃頰歸袁

姚 鵠

莫倦連朝在醉鄉孔門多戀惜分行文章聲價從來重霄
漢程途此去長何處聽猿臨萬壑幾宵因月一作滯三湘宿
鑑峯若上應相憶不得同過惠近房

及第後寄宜春弟姪

易 重

六年鴈序忍分離詔下今朝遇已知上國風光初曉日御
街恩渥暮春時內廷再考稱文異聖主宣名獎意奇故里

仙才若相問一春攀折兩重枝

袁州作

韋莊

家家生計只琴書一郡清風似魯儒
山色東南連紫府水聲西北屬洪都
烟霞盡入新詩卷城郭開開古畫圖
正是江村春酒熟更聞春鳥勸提壺

題袁州謝秀才所居

韋莊

主人年少已能詩更有松軒挂夕暉
芳草似袍連徑合白雲如鳥傍簷飛
但將竹葉消春恨莫遣楊花上客衣
若有前山好烟雨與君吟到曉鐘歸

病中聞相府夜宴戲贈集賢盧學士文秀

韋莊

滿筵紅蠟照香鈿一夜歌鐘欲沸天花裏
亂飛金錯落月中爭認繡連乾
尊前莫話詩三百醉後寧辭酒十千
無那兩三新進士風流長得飲徒憐

下第歸宜春酬黃頗餞別

潘唐

聖代澄清雨露均獨懷惆悵出咸秦
承明未薦相如賦故國猶慚季子貧
御苑鐘聲臨遠水都門樹色背行塵
一從此地曾攜手並羨江頭桃李春

及第後寄同邑梁燭處士

伊璠

繡轂尋芳許史家獨將羈事達江沙
十年辛苦一枝桂二

月艷陽千樹花鵬化四溟歸碧落鶴棲三島接青霞同袍
不得同遊翫今對春風日又斜

及第後作

袁皓

金榜高懸姓字真分明折得一枝春蓬瀛乍接神仙侶江
海迴思耕釣人九萬搏扶排羽翼十年辛苦涉風塵昇平
時節逢公道不覺龍門是嶮津

綠陰亭

袁皓

綠陰亭檻枕江流辭去重來三十秋百里溪山都在目一
川風月幾回頭官分皂蓋終期老職奉皇華不自由珍重
斜陽兩山水他時相伴寄漁舟

哭鄧使君

袁皓

纔年三十便專城鄧禹源流繼後榮不出故鄉兼八座早
分鄰境擁雙旌移風已久銅魚換遺愛猶思竹馬迎何事
一朝隨水逝高垂清白哭無聲

寄當陽袁皓明府

楊夔

高人爲縣在南京竹遶琴堂水遶城地古旣資攜酒興務
閒偏長看山情松軒待月僧同坐藥圃尋花鶴伴行百里
甚堪留惠愛莫教空說魯恭名

和袁皓綠陰亭

歐陽薰

多才太守大風流吟倚危亭麥正秋兩岸樹陰遮水面一

軒山色簇江頭朝中譽遠思田叔物外情高想許由輕掛
雲帆又東去不堪從此憶僊舟

賀宜春毛宰嘉蓮

陳 嶰

折獄威風製錦才可憐佳氣滿池臺中秋城郭千花盡兩
朶芙蓉一帶開疊藥裊香如鬪舞斜陽移影似爭回堪教
盡取朝天去佇見分符却此來

春日喜逢劉松

李咸用

故人不見五春風異地相逢嶽影中舊業久拋耕釣侶新
聞多說戰爭功生民有恨將誰訴花木無情祇自紅莫把
少年愁過日一尊須對夕陽空

述宜陽故事

吳 平

靜憶宜陽郭未燒可憐風俗少塵囂千門勝景山相對十
里晴街柳漫搖日暮烏啼煙際寺夜深人上月明橋豈知
一旦爲灰燼戰入荒城鬼寂寥

中秋夜陪郡守河梁翫月

黃 諷

蟾輝最是中秋好翫在河梁對碧溪今夕盡知明似晝古
人曾狀過如珪山川晴久憐堪照絲竹更深恨易低何處
曉鐘驚太守醉歸遙指八絃西

永州陪鄭史太守登舟夜宴席上各賦詩

蔣 肱

江頭朱綬間青衿豈是仙舟不可尋誰敢強登徐穉榻自
憐還學謝安吟月凝蘭櫂輕風起妓勸金壘盡醉斟剪盡
蠟紅人未覺歸時城郭曉烟深

作尉鄆郊送進士潘爲下第歸宜春 鄭谷

歸去宜春春水深麥秋梅雨過湘陰鄉關幾度經狂寇桑
柘誰家有舊林結綬位卑甘晚達登龍心在且高吟灞陵
橋上楊花裏酒滿芳樽淚滿襟

鷓鴣 鄭谷

暖戲烟蕪錦翼齊品流應得近山雞雨昏青草湖邊過花
落黃陵廟裏啼游子乍聞征袖濕佳人纔唱翠眉低相呼

相應湘江澗苦竹叢深春日西

寄贈同邑楊夔處士 鄭谷

結茅祗約釣魚臺濺水鷓鴣去又回春卧甕邊聽酒熟露
吟庭際待花開吳江勝景遨遊遍百氏羣書講貫來國步
未安風雅薄可能高尚換天才

擢第後入蜀見海棠盛開詠 鄭谷

上國休誇紅杏艷深溪自照綠苔磯一枝低帶流鶯睡數
片狂和舞蝶飛堪恨路長移不得可無人與畫將歸手中
已有新春桂多謝烟香更入衣

題鄭郎中谷仰山居 僧齊己

生未集志 卷三
簷壁層層映水天半乘岡壠半民田王維愛甚難拋畫支
遣憐才不惜錢巨石盡舍金玉氣亂峯深鎖棟梁烟秦爭
漢奪虛勞力却是巢由得穩眠

送李評事往宜春

僧齊已

蘭舟西去是通津名郡賢侯下禮頻山遍寺樓看仰岫臺
連城閣上宜春鴻心夜過鄉心亂雪韻朝飛句韻新別有
官榮身外趣月江松徑訪禪人

題袁州張逸人所居

羅隱

蒲梢獵獵燕差差數里溪光日落時芳樹文君機上錦遠
山孫壽鏡中眉雞窗夜靜開書卷魚檻春深展釣絲若使
浮名拘絆得世間何處有男兒

郡城放猿獻衛使君

易德

千巖萬壑與雲連放出雕籠任自然葉灑驚風啼暮雨月
凝殘雪飲流泉臨期莫似三聲日避射須依遶樹年應解
感恩尋太守攀蘿時復到樓前

南唐

秋日

沈彬

秋舍砧杵擣斜陽笛引西風顥氣涼薜荔惹烟籠蟋蟀
荷翻雨潑鴛鴦當年酒賤何妨醉今日時難不易狂腸斷
舊遊難一別潘安惆悵滿頭霜

仲春寫懷寄沈彬員外

李建勳

省從騎竹學謳吟，便帶光陰役此心。
寓目不能閑一日，閉門長勝得千金。
窗前夜雨殘燈在，庭掩春風落絮深。
唯有故人同此興，近來何事嬾相尋。

宋

謫袁州道中寄子美

陸經

去年醉到江花老，憂患相寬獨與君。
今日天涯又春色，却尋高處望吳雲。
青紅染出新花朶，羅縠平翻秀水紋。
風物感人音信少，眼前雙燕謾紛紛。

送閣門廖舍人知袁州

楊億

宜川三月水東流，秀出江南二十洲。
紅旆使君今日去，白衣舉子昔年游。
海潮賦就藏書府，競渡詩成在郡樓。
國史待修循吏傳，早飛聲政達凝旒。

孫元方

聖君再命擁朱輪，合是南方受賜頻。
雙鬢任從添白髮，六條誰許繼清塵。
風牽澤國秋帆遠，路入山城畫錦新。
莫爲故鄉延去棹，宜春人望待行春。

東湖樂游堂

祖無擇

晴州幕幕湛湖光，形勝居然占一方。
拂水萬絲楊柳弱，倚風千蓋芰荷香。
縱游閒泛蘭舟穩，半醉狂眠石榻涼。
公退

宜春縣志 卷三
每來多度日却疑身出利名鄉

東湖

李觀

萬象城東雅入詩半湖雲靄卷殘暉老龍借雨慵離蟄幽鷺逢人慣不飛岸僻自宜安釣石水清誰礙濯塵衣使君公退便遊此却恐吾王急詔歸

東湖清熙閣

王古

選勝開軒俯北城登臨風物有餘清畫屏疊翠千峰秀玉鑑涵虛一水明絕境忽逢幽鷺下賞心時覺白雲生欲知太守忘機否鷗鳥逍遙盡不驚

趙資道

宜川三月水東流秀出江南二十洲紅旆使君今日去白衣舉子昔年游海潮賦就藏書府競渡詩成在郡樓國史待修循吏傳早飛聲政達凝旒

孫元方

聖君再命擁朱輪合是南方受賜頻雙鬢任從添白髮六條誰許繼清塵風牽澤國秋帆遠路入山城畫錦新莫爲故鄉延去棹宜春人望待行春

東湖樂游堂

祖無擇

晴州幕幕湛湖光形勝居然占一方拂水萬絲楊柳弱倚風千蓋芰荷香縱游閒泛蘭舟穩半醉狂眠石榻涼公退

每來多度日却疑身出利名鄉

東湖

李觀

萬象城東雅入詩半湖雲靄卷殘暉老龍借雨慵離蟄幽
鷺逢人慣不飛岸僻自宜安釣石水清誰礙濯塵衣使君
公退便遊此却恐吾王急詔歸

東湖清熙閣

王古

選勝開軒俯北城登臨風物有餘清畫屏疊翠千峰秀玉
鑑涵虛一水明絕境忽逢幽鷺下賞心時覺白雲生欲知
太守忘機否鷗鳥逍遙盡不驚

趙資道

病餘居士否在家無意食蘿摩

寄宜陽別元明用觴字

黃庭堅

霜髯八十期同老酌我仙人九醞觴術者以吾兄弟皆壽
八十近得重醞法甚
妙明月灣頭松老大永恩堂下草荒涼千林風雨鷺求友
萬里雲天鴈斷行別夜不眠聽鼠嚼非關春茗擾枯腸

南園道堂

辛炳

縱步幽園晚未回已馴魚鳥莫相猜垂楊當路從教折細
草沿堦不費栽花樹影中流水過林梢缺處遠山來一筇
春事無人共踏破空庭幾點苔

無訟堂詩

有序

沈昭遠

袁人稱好訟比來假守見其士力學而知廉恥民
 樂善而好儉嗇於是待以平恕宥以寬簡愚則教
 之不從則刑之諭兩月而牒不盈百謂之好訟可
 乎因以郡圃之堂名曰無訟堂聊以雪袁人之謗
 庶幾後來者以平恕寬簡為治而可以無事矣
 欲為袁人雪謗聲因將無訟榜堂名他時芟舍棠休剪近
 日圓扉草已生自是索癘求太察却疑束矢聽難明要知
 本樂農桑處請看東郊壠上耕

仰山

李冲元

紺纈千尋入杳冥我來心地已澄清孤雲欲作人間雨流

病餘居士否在家無意食難停

寄宜陽別元明用觴字

黃庭堅

霜髯八十期同老酌我仙人九醞觴

術者以吾兄弟皆壽八十近得重醞法甚

妙明月灣頭松老大永恩堂下草荒涼千林風雨鶯求友

萬里雲天鴈斷行別夜不眠聽鼠囓非關春茗擾枯腸

南園道堂

辛炳

縱步幽園晚未回已馴魚鳥莫相猜垂楊當路從教折細
 草沿堦不費栽花樹影中流水過林梢缺處遠山來一筇
 春事無人共踏破空庭幾點苔

無訟堂詩

有序

沈昭遠

袁人稱好訟比來假守見其士力學而知廉恥民樂善而好儉嗇於是待以平恕宥以寬簡愚則教之不從則刑之踰兩月而牒不盈百謂之好訟可乎因以郡圃之堂名曰無訟堂聊以雪袁人之謗庶幾後來者以平恕寬簡爲治而可以無事矣欲爲袁人雪謗聲因將無訟榜堂名他時芟舍棠休剪近日圓扉草已生自是索癡求太察却疑束矢聽難明要知本樂農桑處請看東郊壠上耕

仰山

李冲元

紺纈千尋入杳冥我來心地已澄清孤雲欲作人間雨流密偏宜雨後看風送江聲穿郡郭日推雲影下峰巒當時吏部曾游否何事無文石上刊

莞爾堂

向滄

槐蔭參差日轉廊時看野鳥下橫塘閒牕綠映篔簹淨流水紅浮菡萏香坐有琴觴真道院徑通花木似禪房文楸珍簟疎簾裏與子同消暑日長

元

宜春臺晚眺

虞集

長沙王子舊層臺古佛神龍寶殿開秋水繞渠三峽漲春雲垂雨大瀉來萬家烟火網緼合四面峰巒紫翠堆最憶

老藤陰覆地空中幾見異僧回

過福勝寺

虞集

江頭說與老禪知
翫水觀山豈定期
白髮自來無處所
黃花更老不嫌遲
爐烟遶座寒
畱宿缺月窺禪夜
誦詩惟有峽中三石徑
千年幾度見來時

和虞集韻

僧一初

老却黃花客未知
回舟旬日漫相期
龍江話月銜杯从獺
逕看雲步履遲
天地長懸司馬記
山川有待杜陵詩
錦囊收拾同誰讀
側耳蛩聲入夜時

和虞學士登宜春臺韻

郭鈺

萬家平地擁高臺
隱戶層層近日開
鶴致瓊花迎帝子
龍持貝葉禮如來
雲依老樹秋如畫
峽東飛濤雪作堆
惆悵當年歌舞地
碧桃開落幾千回

哭宜春義士彭維凱

郭鈺

風折旗杆卧落暉
殘兵揮淚脫戎衣
徒聞卽墨田單在不
見成都鄧艾歸
獻凱何時承寵渥
爭名自古抱危機
宜春元帥還相問
近報洪州未解圍

登衛公巖

郭鈺

衛公舊日讀書處
淪落孤亭紫翠中
野迥紅光分暮雨
天晴木葉響秋風
武皇國勢資雄畧
牛黨私讐累至公
論定

是非誰復在晨鐘空托梵王宮

明

謁韓文公祠

邵寶

一上春臺草陸離忽瞻遺像起遐思江山恨少滕王賦風
水愁多二女祠石廩不知雲去處雷塘猶想雨來時憑君
莫引飛鴻望萬里騎龍任所之

書慈化方丈壁

高琬

公事匆匆不暫閒且停驄馬訪禪關雨餘石徑莓苔滑霜
重園林橘柚殷洗鉢池邊雲淡淡翻經窗外水潺潺自憐
良會談元久忘却斜陽墮碧山

浚渠亭

郭敘

清泉澄澈白雲來繞過山亭一鑑開惠澤久知沾萬戶德
星今喜映三台鶯花時送簾前景絃管頻催席上杯處處
甘棠歌不盡峴碑宜立向春臺

桃花馬

袁魯訓

嬌姿獨冠衆芳鮮誰把驂騑體上粘紅錦朶開金勒外騰
脂色點玉鞍邊風吹幾度何曾落雨濕三春依舊妍試向
滄波深處浴魚龍驚起浪滔天

贈同年袁魯訓樂園家居四時樂

羅倫

卜築稽山遠市朝箇中風景總堪描溪雲帶雨來茆屋澗

水浮花出石橋綠遍莎汀牛腹飽青歸麥隴鳥聲嬌東鄰
西舍渾相似半是漁人半是樵

簾捲薰風半掩扉五侯車馬往來稀綠楊門巷流鶯語青
草池塘乳燕飛掃石圍棋消白晝解衣沽酒醉斜暉山園
莫道多寥落梅子初黃杏子肥

水繞荒村竹繞墻儼然風景似柴桑車纜白雪絲盈軸鑄
刈黃雲稻滿場幾樹斜暉楓葉赤一籬秋雨菊花黃東鄰
畫鼓西鄰笛共慶豐年樂有常

土築低墻草結菴尋常愛客伴清談地爐有火湯初沸布
被無寒夢亦酣風捲翠松鳴晚笛雪飄疎竹響春蠶閉門

不管榮枯事坐傍梅花讀二南

浚渠亭

嚴 嵩

徐侯亭子李侯渠水石新呈宿莽餘秋淨野田聞鶴語雲
深仙洞隱龍居馳驅暫駐三湘節登賦初陪五馬車此日
佳游習池共他年故事峴山如

陳伯獻

渠水年深塞欲乾縈紆開濬見潺潺江雲帶雨寒添溜野
竹迎潮暗入山曉汲萬家瓶纒闢春耕千頃桔槔閒使君
經濟豐碑在召杜聲華伯仲間

宜春臺春望

孫 燧

郡治東南舊有臺暮雲登眺畫圖開隔林啼鳥催詩句小
院花飛入酒杯疎窗人烟聯萬井網緼瑞氣接三台仰山
千古遺靈在棟宇巍巍亦壯哉

信美亭

鍾顯

春山磋玉水澄藍鈎引扁舟到碧潭岸柳新絲梳晚日塞
鴻歸翼挾秋嵐興饒席客揮金碗睡足巖僧下石龕怕見
篙師理回棹清尊未得醉沉酣

登總宜樓

沈存仁

傑構新題聳翠螺高臺春望倚嵯峨天留韓李江城壯地
接衡湘嶽色多雲傍綺楹邀翰墨鳥啼芳樹雜絃歌登臨
欲縱尊前嘯南北烽連未罷戈

宜春臺懷古

徐之孟

帝子何年翠輦迴千秋臨眺重堪哀空傳碧海求仙去謾
說黃河似帶來萍實歌殘橫野渡風雲飛盡見荒臺只今
芳草陵前路歲歲春深花自開

謁韓文公祠

嚴堯日

誰信東流去不回公時原道已堪哀龍門自有千尋柱瘴
海何妨百折摧春到芳原皆錦錯秋空落木見崔嵬憑欄
極目江天外疑是當年霽色開

蟠龍山

嚴堯日

羊腸歷盡見龍湫澗道窮源得廣疇古寺因緣餘礎在高
僧名行一燈留溪山到此天疑盡石磴環來景自幽更逐
白雲歸大仰烟霞迷望隔丹邱

九日集宜春臺

高為表

江南庾信思堪哀北極雲深首重迴風露城邊木葉下兼
葭洲上鴈鴻來千山暮色浮湘渚萬里秋陰起漢臺短髮
未須增感慨長吟聊醉菊花杯

登宜春臺望珠泉

童子時隨先
太父令宜陽

蔣如奇

登樓恰似再來身漫說兒童體未真
嶺封雲思隱士開
壇煑石憶仙人喜栽瓊樹千花爛驚
明珠萬斛新先後

芳徽殊映發百年長藉澤如春

縣學文昌閣

侯世屏

中天高閣插江頭鎖盡稠江萬里流
秀水飛花頻繞帶春
臺疊翠恍懸旒門前芹藻披風醉
檻外星辰徹夜浮今古
人文關地脉郡人猶自說盧洲

何筭亭見招宜春臺

孫慎

宜春臺上試春游積翠層軒且暫休
歷歷雲寰圖畫裏溶
溶曲水浪花浮二王臺榭閒幽草
百代河山自古州
驄馬不妨長作客長安遙望總添愁

元日宜春亭各賦臺字

徐爨

郭裏青山雪際臺玉屏斜枕秀江開東風並馬穿花度元
日何人載酒來烟草細分湘浦雨寒潮光動海門雷凭高
會有陽春調驚見瑤華落上台

宜春臺集宴

王喬齡

清秋雲盡露華乾一上高臺客思寬神護龍宮臨碧落江
涵蜃氣俯驚湍文昌石古苔紋合洗硯池空樹影寒樽俎
何當名勝地遠心猶在倚欄干

郡伯季竹隅招飲宜春臺

劉松

五臺三峽自名州今與王孫結勝遊鐘磬無心驚野鶴琴
尊道處狎沙鷗城雲初散千峰合烟樹平臨一葦浮甚欲
曳裾凌絕巘可堪才薄賦登樓

登宜春臺

張春

萬峰廻合紫雲堆一水縈流錦幃開吳楚東南真勝槩乾
坤高下信浮埃花枝爛熳初經眼地主逢迎數舉杯畱興
醉吟乘月去定期歸老及春來

韓文公祠

潘泗

郡祀昌黎舊有祠冷風涼露拂台墀泰山北斗斯文主天
理人心百世師直道固知當去國投荒何幸遠來茲先生
不患功名薄惟患中原失秉燹

人日遊化成巖

季科

草堂幽興近如何人日攜朋訪薜蘿烟際嫩黃抽陌柳雨
餘新綠上江波隔簾喚酒花爭笑掃石尋詩字欲磨清賞
未酬山半碧夕陽歸路擁笙歌

黃郡伯重修珠泉亭

袁業泗

爲訪城南踏逕苔珠泉重對賞心開澄澄媚色侵桃岸點
點瓊花入鏡臺幾度昆明啣照後重驚合浦逐波來當年
樓閣增佳麗已識騷人作賦才

盧洲三元閣落成志喜

袁業泗

銀榜新題接上台嵯峨飛閣逐江開當年盧石人爲重此
日龍沙天若迴見開乾坤高定位重栽桃李長新材吾儕
杖履登臨暇笑指河山氣壯哉

重經昌黎祠懷古再韻

袁業泗

公昔移潮來楚荒海天山斗共徬徨諫書詆佛乾坤定原
道匡儒日月光萬古人心留不死千年廟貌振遐方而今
四海猶多難願得如公惠此鄉

辛巳九日登茶園嶺

袁業泗

報道秋光九日回呼童扶杖出松萊登高幾度龍山會作
賦還占司馬才江上芙蓉懸落照園中薜荔長新苔總緣
黃菊偏宜壽遍佩萸囊半醉來

九月九日宿慈化寺

張玠

匆匆征旆指天涯偶此投閒暫息車水漲洗開山脚石鳥
驚衝落樹頭花叢林一徑穿雲出竇藏千幡拂日斜莫問
皇華塵世事黃梁未熟夢還賒

慈化寺八景

錄二

筆峯晴嵐

鍾灌

迺山千仞聳文峰筆立森然對梵宮宿靄初消春翠重斜
陽殘照晚陰濃橫拖一帶隨岡勢深擁層堆斷徑蹤隔絕
紅塵飛不到僧房祇用白雲封

虹橋晚眺

鍾灌

跨水長虹百尺長晚來游目在斜陽江山流峙乾坤大草

木榮枯歲月忙村市雲林啼鳥鵲田家烟徑下牛羊詩僧
擬是林支遁吟倚闌干興欲狂

游南泉寺

華日躋

震旦皈依定後禪一燈肇始自南泉龍歸法海滄桑易積
轉青牛鐵笛旋蓮冢寂時懸劍柏紫衣披處蕩魔烟宏開
象教施神力幾度空王兜率天

奉命有事於武當還宿慈化

鮑懋

肩輿盡日爲王事暮宿南泉古道場海藏天風翻貝葉月
臨雲母散沉香龍降虎伏禪心定鶴唳烏啼客思傷獨坐
空房渾不寐恍然身世在西方

送王正之宜陽

湯顯祖

王郎家世出河汾似湧龍泉氣不羣
晉代衣冠逢妙日落橋車馬候晴雲
春光拂綬何年會曙色啣杯此夜分
珍重城南舊分陝百年棠樹正氤氳

甲申高淳寄吳邑侯

李素

河南循治首吳公江甸於今雅望同
三異新猷讓乳雉四郊舊宅賦歸鴻
地經野卉零霜後人在春臺化日中
猶有天南畱滯客遙從斗北挹光風

皇清

輓袁江督二首

楊文盛

翠聳層巒天際頭日年秀傑自孤流
乾坤正氣人能立河嶽精英爾獨收
取義不因身世餒成仁早就日星畱
文山自古稱雄峙今日與公始共游

罔作王生生祭文知公富貴視浮雲
綱常山重身攸繫鼎鑊餽甘義特聞
氣到至剛徵學力節逢難奪見真存
莫言養士無多報三百年來獨有君

九日登宜春臺望昌黎先生祠堂有感

吳南岱

黃花蕭瑟故城隈極目荒祠覆草萊
萬里雲山迷北望三秋鴻鴈滯南來
上書祇結憂時淚擲管何當起傑才

聞道荆湘撤烽火一尊聊向薜蘿開

層樓兀峙最高峰湘水湖山在眼中慷慨有心馴暴鯨
誅求無計定哀鴻碑餘苔蘚風霜古祠歷干戈草木空
顧我登高慚作賦起衰端欲問宗工

午日觀葺宜春臺兼爲汰糧稱慶

吳南岱

干戈幸不到春臺列錦雲山面面開閒看農夫芸菽黍
笑呼稚子剪蒿萊臣心似水江分影客韻如醪月滿盃
不是

聖朝宏雨露飛飛黃鳥爲誰來

北郭民有誅茅築室者喜賦

吳南岱

頻年未見栖遲影此日驚聞版築聲尙有鴈鴻憐舊址
可無燕雀賀新成黃花摘去供餐秀碧水流來作飲醇
寄語桃源諸隱逸此方久矣不知兵

午日登宜春臺并爲汰糧稱慶和吳泰巖公祖元韻

陳之龍

隔岸一峯城裏出高臺多半夕陽開疎疎幾派森林木
落落荒郊覆草萊知有溪山新入闥慚無景物共浮杯
民忘帝力風方古今日相期闢徑來

登春臺禱雨

陳之龍

天近臺高我欲呼呼之忽爾晴征途山連衡嶽震霆闢

宜春縣志 卷三
水接瀟湘解澤敷稜青流行何蔑有救荒鈔策豈真無
綠波清漾心如此扶杖驚疑萬畦蘇

午日登宜春臺并慶廣畝奉和吳泰巖公祖元韻

陳之龍

年年客夢到春臺叠叠燕雲鎖未開白首鄉關思秔稻
衰年少力墾荒萊息陰復澗棠爲宇時飲蓮塘葉作杯
日暮相呼勤報國帶經挈伴戴星來

遊化成巖

陳之龍

登臨最愛是春風扶杖難窮第一峯舉目荒城烟霧淨
縱觀翠岫宿雲空無心水石長相激有艷山花暫未逢

力倦歸來舟楫好呼童載向月明中

宜春道中見吳太守公暇草

笄重光

城中烟景似山中城外千峰繞萬峰欲上高臺看牧馬
畏聞荒戍度歸鴻三苗戈甲何時斷兩稅誅求盡室空
笑爾昌黎堂內客年來愁苦賦偏工

昌黎書院

張浩

隱隱遙峰列翠屏崢嶸廟貌望中停樓臺高下春風暖
木葉疎濃古院青諫草當年縈入夢文章此日勒爲經
試看俎豆千秋永疑有星雲護石銘

宜春臺

鄭燭

百丈嵯峨倚閣開，留春更上宜春臺。
瀟湘水盡寒雲外，吳越山隨夕照來。
帝子何年移翠輦，龍宮千古鎖蒼苔。
午風謾謾簷前過，送送泉聲到酒杯。

再任宜陽入境有感示郡人

王延禔

斜風細雨透重衣，曲徑蒼茫鳥自飛。
郭外山橫烟樹合，城頭臺迥薜蘿稀。
隔江虎豹依然在，滿目村莊半又非。
寄語袁陽諸父老，昔年子晉又重歸。

贈陳子止入直侍衛

龔鼎孳

才子乘秋倚漢檉，孔璋聲望滿京華。
誰云東觀人才盛，不數西園侍從奢。
明月踏歌燕市酒，金錢頒宴曲江花。

遙知太傅中朝望，勲業文章總謝家。

送孝廉楊尙義北上

陳洪諫

五陵年少多賢豪，客有能詩調獨高。
受業不隨秦博士，爲文無害漢功曹。
十年我輩慚龍卧，萬里君家起鳳毛。
江右衣冠推此地，美名如昨照同袍。

石乳洞

朱憲

一壑烟霞古洞幽，曾乘佳興漫遨遊。
已聞鶴駕鸞笙遠，還有芝田藥井留。
病骨可能生羽翼，忘機相與度春秋。
今朝喜訂重來約，不識山靈得許不。

重修珠泉亭

胡太公祖招飲

楊尙義

城南一滴曹溪派香噴空濛景自奇魚隱浪花多目比
泉飛石罅見珠纍恒河舊性同冰鑑演若臨渠了幻思
得坐春風亭上月啣盃契聖問昌黎

重建昌黎書院

楊嘉材

一道卿雲上九天於今俎豆已千年青山重藉高人席
綠水環深勝地前幸闢斗山重待後欣瞻輪奐已承先
自慚作賦無知識敢望朝端步昔賢

宜春臺

施閏章

高臺聳出赤城霞客到春風正着花曲磴寒烟真鳥道
滿城芳草幾人家雲中疊嶺當牕盡樹杪澄江遶郭斜

共說晴空見衡嶽憑欄身在楚天涯

許將軍元公置酒語石亭亭是予初構遇雨飲竟日

施閏章

陰巖細靄入青冥坐石提壺向晚汀昨見華筵山鳥怪
共驚急管野樵聽酒酣沾濕從花雨吏隱蕭疎見客星
緩帶雅歌君不忝風流他日記吾亭

九月二十日登化成巖

王延禠

乘興重過俯碧湍江天秋色集晴巒洲前沙暖烟還綠
嶺際楓高葉早丹僧舍淒清松子落仙巖窈窕洞門寒
自憐未是山中客空向青山着意看

化成巖

周體觀

聞道山巖古洞幽
仙人已去洞空留
雲中白鶴何時見
江上青楓迥自愁
日暮野猿爭客坐
天寒落葉滿山樓
到來欲就桃花隱
細檢丹方煮石頭

登宜春臺

周體觀

乘風獨上最高臺
漠漠川原古郡開
深谷入雲江折去
崇山無路鳥飛回
孤城小市人烟淺
久戍長征鼓角哀
萬里鄉關歸未得
天涯歲暮兩相催

江明府重修行宮寺志喜

張潛

武當名勝控荆蠻
此地行宮見一斑
熒惑星空威焰息

龜蛇影動翠微閒
層樓上接春臺寺
複道遙瞻帝子顏
北闕祇今新廟貌
重門依舊觀雙環

郡署小蘭亭分韻

王光烈

曲曲清波度小橋
畫梁遠映碧雲霄
鳥啼簾外聲偏巧
花發欄前香暗飄
屏疊南山侵玉案
圖開東壁射星杓
夜來裾曳蘭亭上
尚有清波咽寂寥

登化成巖

潘于遠

雨絲風片灑幽亭
乘興何妨帶濕臨
石壁生潮添畫意
溪流按節入瑤琴
倚虛閑步烟雲亂
遶徑斜穿洞壑深
獨坐不堪長嘯久
恐驚潭底蟄龍吟

總宜樓望月

潘于達

臺上層樓迥入雲
畫欄佳氣自氤氳
窗吞河漢知天近
幔捲星辰落眼紛
把酒謾邀花下飲
鳴琴疑在鏡中聞
蟾宮此夜誰爲主
一段天香此處分

縣學文昌閣和前史侯公韻

袁一菁

江上文星起壯猷
崇巒翠嶽望中收
前賢化雨沾春草
後浪乘風讓急流
莫訝形家窮造化
直爲吾道躋丹邱
更將砥柱開生面
應許靈槎到十洲

蟠龍山

袁一菁

一肩衣鉢水雲邊
簇簇靈山瀉仰連
得傍書堂懷鄭谷
還披紫帶面南泉
溪流谷口寒江漲
路入蟠龍古刹傳
千劫不灰三乘法
鐘聲猶自破晨烟

丙夜修邑乘至運船缺額無術補救感賦得船字

袁一菁

克國籌邊惟積粟
理財劉晏在知權
枉廢公帑填私壑
誰爲殘軍解倒懸
虛伍難勾泉下客
輕車豈濟浪中船
千般聚訟皆塵飯
隻手迴天待大賢

釣臺懷古

袁一菁

當年垂釣幾經春
寵錫翻令愧隱倫
濟世無心烟水痼
聖朝有道帛書掄
十行御札馳中使
一甕閒雲戀逸民

漫道微君同鄭老至今猶說舊絲綸

登化成巖

錢魁選

龍蹲虎踞石巖懸水秀山明花滿川得月早時分野趣
入雲深處絕塵緣蕭蕭竹韻連天掃颯颯松風接偈傳
遙憶衛公閑眺樂江城滿眼畫圖妍

蟠龍山

方直

路轉峰廻絕壑邊振衣千仞白雲連晞陽在望光凝露
細雨初經聲咽泉卓錫當年千偈涌投簪此地一燈傳
瞿曇見性應常住不避朝嵐與暮烟

宜春臺

袁克昌

層臺積翠聳城陰極目常開天地心山面寒侵知氣峻
閣心虛受納雲深輕烟漠漠遙依樹遠響丁丁漸出林
自古登臨人不少滄桑閱歷到于今

和化成巖壁間原韻

沈敏達

春來二十四番風吹徧青青江上峰緩步不嫌穿竹密
放懷正喜倚亭空野樵束翠閒堦過老衲拈花冷眼逢
坐久倦還山下路鐘聲飛送夕陽中

靈泉池

袁克生

一泓冰鑑最澄清自是靈源巧綴成影映晴光懸月色
波生綺縠宕雲情臨流宛對桃溪曲聆偈如聞琴韻鳴

生春果示
卷三
比目錦鱗時獻瑞
芹宮彩筆煥文明

步仰山故址

陳忠道

參差石磴步青霄
嘯傲凌空訪二蕭
雪谷雲開知曉霽
渚田漲滿訝新潮
龍湫虛豁泉聲咽
鳥嶼縈廻竹徑遙
呼吸何由通帝座
登高疑得下仙輶

靈泉池

袁克觀

蕩漾靈泉碧且清
石甃謹護一池泓
木魚聲引遊魚聽
浮磬音傳擊磬情
美醞釀成醞醑重
清光照徹鑑湖明
潛通海汝饒神物
恐有平津寶劍鳴

初春遊化成巖

胡應麟

東風剪剪拂松門
曲磴芒鞋破蘚痕
一水汎紅隨日落
羣山斷碧帶雲屯
千年遺蹟凭誰弔
三徑荒碑嬾復捫
倚石書聲灘響答
贊皇精爽到今存

化成巖

梁 揆

漫道茲巖小見天
長河如帶畫屏連
豈無高巖層樓飲
閒有幽人石上眠
長史流風雄筆墨
愚山高況滿嵐烟
鳥啼花笑真清供
倚檻微吟自豁然

盧洲

袁一進

砥柱廻瀾突兀洲
嵯峨高閣俯丹邱
千秋氣槩懷盧石
一代榮名說狀頭
蛟宅雷潭噴化雨
峰開文筆寫清流

長江鎖鑰依然在翰染霜毫次第抽

三絕碑

陳喆昌

俎豆春秋表素王文傳大伯記袁陽名碑三絕兼書篆
壽石千年飽雪霜鐵畫寧隨蝌蚪蝕筆花留得姓名香
清風颯颯露臺下山共高兮水共長

昌黎書院

袁克舜

憑虛臺下文公祠一路蜿蜒肇此基
砥佛有意崇正學
馴魚無暴絕神奇幾年桃李能成徑
滿院菁莪自得師
遠望高山勤仰止起衰端賴應昌時

蟠龍山

袁廷鈺

幾回盤曲入雲隈歷盡羊腸古寺開
峭壁嶙峋從地聳
飛泉灑落自天來野僧經夏不知暑
山客題詩欲掃苔
謾道蟠龍終隱伏會須霖雨走風雷

陳敬齋表伯沈朗思漢宏兩妹丈同遊化成巖依壁

間韻

胡衣德

晴江一艇渡東風爭躡幽巖最上峰
水激機舂聲到檻
雲橫屏嶂勢凌空亭邊剩有不堪語
洞口渾無仙可逢
一樹桃花當路發年年笑我旅塵中

袁陽春日感懷

胡衣德

官亭之外遍町畦遠戶青青菜甲齊
市枕荒江人語少

山囊古堞嶺雲低推敲詩語愁還釋覽眺鄉心望欲迷
蕭瑟偏多春鳥亂盡情只向耳邊啼

靈泉池

袁振翻

郭內盈盈尺水清靈泉爲號自天成燃犀可照驚人怪
化雨能通觸石情比目遊來皆是數萬家汲去自常泓
不知近日中山釀可似從前麴蘖生

拜韓昌黎祠

江臯

潮州移後卽袁州海嶠山陬澤並流正論久知原道重
高文豈爲送窮憂官臨小郡千峯繞祠倚層臺百尺幽
滕閣宜春爭較勝珠簾畫棟不須遊

袁州八景

錄二

春臺曉日

江爲龍

萬家環遶聳林巒曉日曛隴乍上竿爽氣來從千嶂外
晴光直接五雲端霞凝古樹紅猶濕露浸新苔綠未乾
高處喜逢官舍近朝朝葵向望長安

雲谷飛瀑

江爲龍

輕烟漠漠鎖山腰一道泉流玉屑飄氣吐白虹晴欲雨
瀑飛翠壁夜聞潮終年匹練寒幽谷盡日銀河瀉紫霄
我欲振衣千仞上飽餐靈液滌塵囂

袁州八景

錄二

仰山積雪

王士鳳

花飛六出幾何時一望嶙峋白壁姿豈是谷寒春不到
只因峰峭日來遲雲端積素遙堪畫城裏增寒暮有詩
添卻老梅三五樹孤山何得獨稱奇

袁山聳翠

王士鳳

三廬以外漫稱山只此猶堪一放顏無數苔痕濃淡出
許多松影淺深間嵐生遠岫雲含碧黛染空巖石不頑
偷得餘閒剛半日芒鞋竹杖任躋攀

化成巖

黃袞

穿林一徑到山門奇石縱橫虎豹蹲殿聳欲留雲作障

簷虛聊借樹爲垣晴嵐遙接東西仰爽氣平連大小袁
更喜桑麻盈洞口依稀應不遜桃源

江啟濂

凌空峭壁本天然巖壑幽奇傍水邊寺老風烟餘怪石
洞虛花雨落青蓮峰環翠色真如畫月湧波光好放船
相業銷沉還悵望讀書人倚碧山巔

九日新霽陪沈樗巖遊化成巖

潘士丰

屐齒探奇屈曲尋參差古木鎖烟深巖知息靜耽趺坐
松解投機響梵音涼雨洗開千嶂色滂雲時送一城陰
溪山我輩都知己舉酒相邀質素心

文筆峰

潘士丰

當年拔地立基初一柱擎天卓筆如煉石近城封管子
花磚向日拜中書月明雁影傳奇字秋老蛩聲賦子虛
占斷江天風景秀霞箋濃寫雨飛餘

蟠龍山

劉長發

靈山遠在白雲邊徑轉巒迴望若連鳥道千層環石磴
龍門百尺濺寒泉好風時向松間度清磬遙從竹外傳
坐覺涼生襟袖裏不知身惹碧雲烟

袁山

劉長發

翠聳高峯玉削成祇今泉石帶餘清人因峻潔偏傳姓

山似幽棲亦擅名大小雙螺環北渚東西疊嶂繞江城

崇巒極目窮攀陟想見孤高處士情

筆峰野望

袁克紳

筆峰高插五雲間一任春秋自往還霧合乍疑霜穎凍
雲深漸覺墨莊環編年紀月情無盡染翰刪詩興未闌
聞說使君曾入夢曲江宴罷得餘閒

春臺懷古

潘師樹

葛履初登破碧苔萬家烟景逐晴開江拖匹練趨城下
風擁千帆遶堞迴楚地雲山前代改吳天風雨早秋來
舊時勝賞滄桑隔若箇重啣濁酒盃

遊化成巖

李士龍

贊皇德化久經年留得巖名與世傳
一枝行吟丹嶂列
萬家烟火畫圖懸雲千頃護石如語
竅半開成洞若蓮
物色盡隨春意動更看松竹翠連天

戊子冬至游化成巖紀事一首

吳雪

透迤一帶北山橫巖際登臨說化成
月上竹翻千箇影
風來松落萬株聲當窻小艇輕移岸
晚浦寒烟遠覆城
如畫層層皆入勝紅樓翠壁重留情

湖岡臺

易家驪

山中寂靜啟禪扉屈曲松梢擁鐵衣
別徑風傳花氣遶
叢林雨過鳥聲稀參差遠岫浮千壁
淅瀝幽巖響四圍
最喜山僧忘日月悠然頓與世相違

釣臺

陳聖謨

釣臺高處草蒙茸萬古常留處士踪
沙鳥有情依潛宿
苔磯無主任雲封瓊珠碎滴河邊柳
爽籟遙吟剎後松
幾度疎鐘聲乍起寒潭驚動老潛龍

昌黎書院懷古

袁振鐸

何時作廟枕春城齊說昌黎教化宏
天為薪傳留正學
人因皇甫識先生千年俎豆終難泯
八代文章孰與爭
今日登堂勤仰止溶溶桃李盡含英

盧洲夜泊

袁起濤

烟郭迷離日向西孤舟夜泊聽猿啼
文瀾浩瀚江天遠
箏筍嶙峋雉堞低虹影跨波驚宿雁
書聲入夢接鄰雞
海潮賦就人何處剩得芳名萬古題

化成巖感舊

袁起濤

草長蕪蕪一碧鮮登臨記得暮春天
乍過朝雨花籠霧
橫抹晴嵐柳帶烟帆影高低移洞口
潮聲吞吐近巖前
老來杖策西郊路峭壁依稀似昔年

主昌黎書院志感

袁起濤

奚斯作廟倚春臺甫柏徠松亦偉哉
漫說登高能作賦

那堪虛左獨憐才西窓剪燭青氈冷
東閣延英白社開
得傍斗山承教澤未知何日道南來

遊湖岡臺

袁起濤

翩然遣興眼前途爲愛湖岡景物殊
怪石嶮崎凌北斗
香臺盤鬱俯南湖雲移塔影花枝瘦
雨過丹池草色腴
縱步只宜攜酒賞幽篁深處喚提壺

仰山積雪

劉履謙

迷離曉霧隱山隈六出飛花次第來
大塊有形皆玉宇
人家無地不瓊臺幾村竹葉連梢折
一夜梅花逐凍開
踏遍千溪尋曲徑茫茫何處認蒼苔

湖岡臺

黃在中

湖岡臺上欵柴扉松竹侵人翠濕衣澗噴雪濤天際落
鶴道梵語日邊飛林深寺靜僧眠早路曲峰高客到稀
極目雲山千萬里浮生如夢欲何歸

袁州八景

春臺曉日

陳廷枚

平明高望曙光寒淡蕩春山路未乾一隊牛羊依草沒
滿城烟火着風團陽回黍谷蒲初綠日映花磚桂早丹
士女負暄歌復旦五雲深處識天顏

化成晚鐘

陳廷枚

夕陽蕭寺訪山僧雨後疎鐘萬象澄覺世忽傳天上語
冥情猶見佛前燈扶疎月影竹千个滅沒嵐光松十層
頗怪江湖名利客更無餘暇說三乘

盧洲泊月

陳廷枚

昔時園苑化蒿邱訪古郊原戴月游兩岸書聲空梵語
半天春色下漁舟玉壺影入平江淨皓魄香生碧樹幽
萬里臣心冰一片荻蘆烟影上樓頭

南池珠泉

陳廷枚

一灣止水抱城南照眼珠流淵自涵日射波光澄碧海
月寒夜氣繞青嵐使君飲馬塵心淡父老烹茶玉液甘

十里平疇流蔭遠何人廉浦愛停驂

雲谷飛瀑

陳廷枚

雲谷奔濤響半岳岳深寒氣四時嚴玉龍怒吼雲千尺
蒼兕驚湍雪一函遠浪排空搖白日飛車拴練濕輕衫
好風十里歸鞭路吹送清涼浣俗凡

仰山積雪

陳廷枚

春風萬里盪天驕報道邊城積雪銷時西陲報捷燮理有懷
天意厚山川無恙雁聲遙寒生雲谷龍雙螯翠積冰壺
水一瓢我欲羲和回日馭忍留陰渫在陵茗

釣臺烟雨

陳廷枚

一抹江天白鷺飛中流若箇釣魚磯眼前勲業誠餘事
竿上絲綸聊樂饑騷客偶畱河畔醉漁人空趁夕陽歸
蒲帆十幅來何暮烟雨桐江似此非

袁山積翠

陳廷枚

乾坤納納鳥飛孤大小袁山入望殊日照中峰高士在
雲懸半嶺畫圖無氤氳潤灑桑麻地磅礴靈鍾滄海珠
采秀方將凌絕頂不應踪跡从江湖

莫春偕弟雋亭及同學諸子游化成巖遇劉孝廉中
亭响邀閱石洞題咏即用壁間韻得七律三章

熊日華

宜春縣志 卷三
披襟亭上獨當風萬疊晴山拱一峰翠竹巖前搖日月
浮雲天末蕩虛空昌黎一去長相憶司戶千年豈再逢
石谷銷沉蝌蚪字足音流響綠蘿中

懸巖一逕度松風洞口新雲起半峰笑折閒花香欲破
卧看飛鳥眼全空烟霞寧復愁知己山水何曾嘆不逢
語石亭荒春草綠微聞消息梵聲中

春暖輕衫不受風晴絲一縷繫高峰雙魚連躍江湖動
一鶴孤鳴天地空羽客到今無姓字名山自古有遭逢
南華豈是逍遙地蝴蝶翩翻夕照中

化成巖懷古

魯鴻

選勝當年結構勤野曹猿鶴自爲羣遠歸古洞春光在
石抱空亭夜語聞千載勳名餘落照一時恩怨總浮雲
宜陽自具江山勝何必平泉草樹芬

飛劍潭

張一清

萬里奔濤出此中更誰倚劍耿長空倚巖欲釣波心月
出峽先乘谷口風噴石草翻蛾子綠湧磯花沒雉頭紅
壯懷恍惚延平過破海終看戴角龍

化成巖懷古

彭維舉

層層石磴薜蘿叢烟水蒼茫一派通亭館於今留斷碣
松杉依舊嘯春風草荒曲徑雲連寺花落禪堂鳥下空

極目南天憑眺遠夕陽江外數青峰

題昌黎書院壁示學官弟子用舊題潮州韓山韵二

首

翁方綱

廿載題詩粵嶺東袁山仰止此心同黨庠試與陳經訓

尉律先教課學童泰伯一碑猶感溯李旰江學記今是重刻臨川

三禮待旁通宜春舊本春秋分記吳草廬篆言所祖也宜春臺下低徊意已

過崇桃上巳風

西江旬日棧澄瀾為學律梁漸有端忠孝即從談藝起

師儒莫作具文看兩餘蠶月農功卜青動芹池士氣歡

黍荷衡才彌愧甚步趨處處得瞻韓昔於潮郡試士畢恭謁韓祠又翰林

詹事解內皆有韓祠

遊鄭都官讀書故址

段如錦

讀書堂側老松枯故址荒涼唱鷓鴣山水留人隨處有

風騷一代到今無雲臺曾詠詩千首藤閣空餘樹兩株

一字之師齊已拜早梅開候獨踟躕

傅臣高

咏化成巖託賦樓

幾度攀援百尺巔好將舊蹟續新篇醉鄉春滿胸中竹

談陣風翻舌本蓮莫謂山林無宰相可知富貴有神仙

千秋若問三生事訪石分明認此年是日上峯見石書篆得石後遂別號

石訪

步學使翁題昌黎書院壁原韵

陶璉

古木叢祠秀浦東叨陪使節拜瞻同
遠移粵海三千路高詠春臺六七童
仕宦他鄉隨處合文章異代感能通
懸知鼓鑄羣倫意不獨黃盧被惠風

百川未許倒狂瀾豪氣雄詞見筆端
自有李翱高弟在不將賈島布衣看
貯囊海賦兼江賦入座新歡接舊歡
幾度春風桃李下棲遲山館得師韓

狀元洲

僧達拳

選勝名藍興更幽澹烟疎雨蕩輕舟
遐思奪錦人何在空對橫江水自流
漠漠寒雲村舍晚萋萋芳草夕陽秋

怎如身住蓬萊島偷得微吟上小樓

陳羲

袁州雜題

窓中列岫最分明溪上寒烟澹欲生
滿郡只聞樵葉響深巖長憶鷓鴣聲
虹收宿雨閒空殿沙擁新州失故營
知否王侯輸處士至今山水屬袁京

鄭集黃碑宋化書袁家更有碧池居
地靈叠見人才出山瘦多饒美竹儲
香渡烟殘銷霸業巖塘明月付谿漁
祇餘大仰神仙窟五夜龍精達斗墟

哭亾友周海千進士

十首存三

劉潮

碧海長鯨挈怒濤論文誰不詫英豪
諸侯壁上觀鏖戰

猛士尊前拔寶刀白首傳抄童試作青雲竟副使君褒
吉光片羽今零落梨棗猶堪見一毛

林太守府試秦中丞觀風均第一文

多散佚袁席山為刊海千遺草

三策天人已見收海風依舊引迴舟猪肝不受生前累

馬骨焉圖死後酬掌握卧蛇從昔驗命纏磨蝎至今休

無緣數口雷微祿孤負寒窓季子裘

相經云掌中有卧蛇紋主貴

天心到此總難論月慘星愁聚一門青塚兼埋共命鳥

白頭先化斷腸猿全家同醒邯鄲夢九死應圓骨肉魂

猶有同根無恙在移花接木望來昆

乙亥正月尊章以哭子歿四月繼娶

林以哀毀殉同懷兄甫得一子

步虞伯生宜春臺晚眺原韻

袁壽齡

江城孤起一高臺古木陰森梵宇開清磬聲中山欲腹

夕陽影裏客還來盧洲浩渺帆千片蓮洞蒼茫石幾堆

憑眺昔賢吟賞地狂歌醉帶月明回

山一路鳥聲啼

夜發袁江寄李頴州劉詩

袁壽齡

今夜舟中人是夢月明山水共蒼蒼

是愁人亦醉腸

袁江口憶王侍御

三策天人已見收... 馬神為圖... 無緣數日... 憑相昔贊... 公劉漫裏... 五洲底... 世與前... 袁壽徽

七言絕句

唐

袁州春行寄興

李華

宜陽城下草萋萋
澗水東流復向西
芳樹無人花自落
春山一路鳥空啼

夜發袁江寄李穎州劉侍郎

戴叔倫

半夜舟回入楚鄉
月明山水共蒼蒼
孤猿更發秋風裏
不
是愁人亦斷腸

袁江口憶王司勳王吏部二郎中起居十七弟

李嘉祐

京華不啻三千里客淚如今一萬雙若箇最爲相憶處青
楓黃葉入哀江

雪中偶題

鄭谷

亂飄僧舍茶烟濕密灑高樓酒力微江上晚來堪畫處漁
人披得一簑歸

淮上與友人別

鄭谷

楊柳江頭楊柳春楊花愁殺渡江人數聲風笛離亭晚君
向瀟湘我向秦

渚田野步

渚田在仰山下十里

鄭谷

翠嵐迎步與何長咲領漁翁入醉鄉日暮渚田微雨後鷺

鷺閒暇稻花香

楊夔

送鄭谷

春江瀲灩清且急春兩濛濛密復疎一曲狂歌兩行淚送

君兼寄故鄉書

崔江

郡城聞猿

怨抱霜枝向月啼數聲清繞郡樓低那堪日夜有雲雨便
似巫山與建溪

宋

及第後寄宜春親友

許載

只把文章謁帝居便從平地躡空虛分明有箇登天路何

宜春臺元一卷三
事兒孫不讀書

宜春臺

李觀

謫官誰住小蓬萊
惟有宜春最古臺
千里待看毫末去
萬家攢作畫圖來

定叟弟頻寄黃蘗仰山新芽口占小詩

張栻

瘴雨昏昏梅子黃
午牕歸夢一繩牀
江南雲腴忽到眼中
有吾家棠棣香

集雲峰頂風霜飽
黃蘗洲前水石清
不入貢包供玉食
祇

應山澤擅高名

坡公貶草茶未爲確論予謂建茶如臺閣勝士土茶之佳者如山澤高人各有風致

未易
殲也

到袁州二首

朱子

馬蹄今日到袁州
山木蕭慘四面愁
多謝晚來風力勁
翔雲寒日共悠悠

袁州刺史幾何人
韓李流芳獨未泯
道喪時危今日意
九原遺恨一時新

過袁州人言石乳洪陽一作羊之勝不及往遊作此

朱子

人道歸雲未足誇
洪陽石乳更谿斜
連環一夢難紆軫
回首西風日又斜

宜春縣志 卷三
十二月旦袁州道中

朱子

今朝已是臘嘉平我獨胡爲在遠行
白髮倚門應注想青山聯騎若爲情

化成巖

張嗣古

雨餘山石洗孱顏卧虎蹲羊各自閒
杖屨貪穿秋色好不知衣惹蘚痕斑

迢迢綠野送平流喚得風光入小舟
撐破蘆花波底月淡烟衰草不勝秋

長松吹斷晚來風水底輕溶溶
照紅獨立黃昏無一事好山忽在暮雲中

宜春溪上

楊時

斜斜疎柳照清漪藉藉殘紅自滿溪
刺眼藤梢牽不斷欲尋流水路還迷

仰山

陳宥

絕頂龍淵照壁空落雲殘霧晝重重
斜陽一掃羣山靜畫出溪南雪後峰

李叔銓

煮茗徘徊溪上雨杖藜徙倚竹間風
塵埃不縛雲烟步入清涼境界中

陶定

蕭然清境世間稀巨竹喬松合翠微一徑巧穿雲外去鐘聲依約送人歸

小仰山

蕭炳

萬丈青山插碧天真入煉藥石依然功成自此飛昇去屈指如今八百年

抵袁陽

施德

聲聲啼鳥叫鉤輞山自巘岈水自流西望長沙三百里行人道是古袁州

曲磴縈紆樹密蒙放船正值棟花風王程不及村南好水碓無人晝自春

元

南泉丈室

虞集

鱸香滿座雨垂簷借得方牀午夢甜泉上老龍還記取山翁曾此聽華嚴

送高郵彭壽伯訓導歸宜春省親二首

吳澄

朝暮魚鹽斥海濱三千里外仰山雲歸逢里友驚相問學比孫秦進幾分

樹未經霜葉未丹不愁遊子客衣單三年宦學今朝至得盡高堂百倍顏

明

宜春舟次

陳宇

客塗寂寞曉風寒舟自宜春近石灘苦竹叢深山鷓鴣雨令人却憶鄭都官

仰山祠

王守仁

特羞江藻拜祠前正是春風欲暮天童冠儘多歸詠興城南兼說有溫泉

古廟香燈已有年增修還費大官錢至今楚地多風雨猶道山神駕鐵船

宜春臺仰山祠步陽明先師韻

鄒守益

高臺俯瞰萬家春帶雨穿雲更可人四顧峯巒如浪海中流屹立自嶙峋

優詔歸來又一年愛山不用買山錢興來欲啖安期棗笑

問山神借鐵船

祝德修

化成巖

巖竇幽深風且柔旋磨蒼壁紀重游竹林恰喜七人足京兆何妨五日留

傅行簡

巖石虎走萬山揖長江龍蟠百舟集梅花已晚桃花明馬上東風彩雲濕

廬洲

劉世華

力障廻瀾是此洲層雲如畫擁高樓江聲山色無窮趣豈獨驚人是狀頭

皇清

狀元洲

施閏章

鷓鴣城下水東流草色青青過白鷗漫把浮雲看富貴至今人說狀元洲

讀鄭守愚集

施閏章

高文冰雪寸心孤笑殺人呼鄭鷓鴣秀浦城南君故里江山何事一詩無

化成巖青蓮洞

施閏章

石作蓮花半未開玲瓏幾曲盡莓苔春深坐覺衣裳冷不道雲從袖裏來

野見

吳南岱

屋傍巖根窻傍溪綠楊翠竹自東西兒童饑罷日方午樹上老雞三四啼

溫泉

鄭燭

千山攬遍未須錢薄暮荒村又得泉熱不因人寒不冷亦狂亦狷亦神仙

仰山書堂山

邑城南仰山下唐鄭谷讀書處

鄭燭

大仰岡巒映碧潯
鷓鴣聲倚古松陰
萬山烟雨孤燈下
應有雙龍聽夜吟

赴宜陽雜詠

顧岱

廬陵戰骨幾成邱
南嶺烽烟已四秋
剩有灘江山色在
恨人今又赴袁州

醉眼鶯花二月中
山山小醜尙彎弓
行人莫向村邊去
十里轟雷十里紅

報道袁河望使君
長沙列陣羽書聞
宜春臺畔修花竹
莫作昌黎送鬼文

北風吹入鬼憐哀
逐逐紛紛督戰來
韓苑何人應不少
與君沽酒論青梅

二月桃枝正月開
南風不競北風哀
流亾莫灑呼天淚
得勝旌旗在將臺

橫戈草寇正雲屯
大帥陰符敢細論
酌酒自寬聊自醉
當今誰個鄭監門

邑中風景荒涼小
苑夜飲漫成一句

王光烈

宦遊三載寄袁城
惟有琴聲與鶴聲
此夜頻傾花下酒
不須重聽杜鵑鳴

釣臺懷古

王光烈

夕陽衰柳不成春
四野風悲變古今
惟有荒臺明月在

至今誰復論淮陰

盧洲

王光烈

洲頭一望萬山環
碧水明沙照客顏
佇看晚霞并落日
輕帆遙指畫圖間

青蓮洞

方直

氣結清虛香欲開
芳心未許老莓苔
泰華此去浮雲渺
玉井應知並帶來

語石亭步月

陳繼道

石亭月冷照泉流
滌暑多應午夜遊
古刹斜懸空際影
一聲清磬萬山秋

蟠龍山

袁一菁

雲飛谷口渡寒泉
山到蟠龍古刹傳
歷劫不灰三乘法
鐘聲猶自破晨烟

釣臺懷古

袁一菁

當年垂釣幾經春
一壟閒雲戀逸民
不使嚴光成絕調
漢家猶有兩絲綸

偕范顧天學博登呂祖閣

陳滌

金仙高閣畫圖開
收盡江山面面來
一片白雲閒似鶴
可能飛去復飛回

春臺懷古

袁克寵

憑虛湧出一層臺帝子優游實壯哉今古詠歌留四壁
清風贏得幾仙才

訪鄭都官仰山讀書堂遺址

袁克贊

仰山高處白華生渺渺荒踪古木橫一卷雲臺剛讀罷
耳邊疑聽鷓鴣聲

鄭守愚 谷

江為龍

篇署雲臺真俊逸同時李杜可齊驅緣何一代風騷主
卻只人呼鄭鷓鴣

盧洲

劉長發

一簇寒烟鎖碧流野僧乘月渡扁舟人間莫訝無仙島

又見蓬萊第幾洲

秀江道中

魯京

雨絲風片縮愁輕盡日孤舟十里程夢入層灘穿詰屈
岸花吹送鷓鴣聲

雪霽過化成巖口占

胡衣德

初消殘雪萬山晴春急江流繞檻鳴日落層巒衫袖冷
送人歸去暮鐘聲

青蓮洞

江自嘯

怪石通靈峭壁懸但從一綫觀青天是誰鑿破乾坤竅
露出如來舌上蓮

袁州竹枝詞

嚴思濟

秀江橋下水淪漣館驛樓前浪拍天艷說狀元州奪錦
洲邊人愛划龍船

春花秋月坐相邀姊妹歡呼出郭遙忽喚阿姨低笑語

送郎曾過港郎橋

天寒鳥鬼下江遲正值丹楓初落時一片夕陽齊掛網

家家又放野鷓鴣以鴨毛繩牽鷓鴣
令人網名野鷓鴣

杉皮屋子竹籬笆閩廣僑居便作家少婦採茶三月艷

鬢雲斜插一枝花

袁州雜詩 錄二

林有彬

刺史恩波千載餘幾經閱歷幾興除葯房頽壞荷花墮

父老長歌過李渠李渠

都官高塚踞荒村石表峻嶒凍雨痕隔岸鷓鴣啼不住

聲聲猶似咽芳魂都官墓

袁江舟中

王鐘

江淺灘高石骨蒼西風初起水雲涼魚舟網集菰蒲岸

蓬背鷓鴣曬夕陽

連日袁江秋水生蒲帆滿掛晚風輕一灣流水抱村碧

茅屋中間野碓聲

昨夜微霜落嶺頭丹楓倒影入江流一灘水轉一峰出

怱煞袁山面面秋

月上疎林遠岫邊
雁聲隨棹破江烟
雨三燈火紅映水
知是前灘夜泊船

秀江返棹

楊禧

秋柳疎疎剪不齊
滿船風色破烟迷
分明一道澄江景
誤作揚州郭外堤

雨渡袁江

袁壽齡

遠近峯巒半有無
江南江北影模糊
扁舟飛渡桃花浪
人在長橋烟雨圖

書目附

唐

彭構雲

通元經解

鄭史

賦百篇

按史宜陽集有詩十二首
全唐詩錄詩三首

彭蟾

重修唐韻

鳳池本草

廟堂龜鑑

共一百二十卷

藝文五

后

按蟾宜陽集有詩十一首嘉定志有詩二首全唐詩錄詩二首

盧肇

大統賦注

二卷林絢撰盧肇注安重裕箋宋史藝文志云肇有大統賦注六卷

大統賦

二卷

盧子史錄

卷八

逸史

三卷嘉慶乙亥袁錫光彙輯梓行

愈風集

十卷

文標集

宋邵人許衷搜其詩文百篇分上中下三卷改名文標紹興庚辰州教授童宗說復刻僅

四十二篇嘉慶五年萬載辛炳喬搜復刊行目如故邑人袁際唐補注再鐫二十年袁錫光於四十

二篇外搜復四篇編入袁州唐集內梓行

黃頌

文千篇
按頌全唐詩錄詩四首全唐文錄文一篇

易重

文千篇

按重全唐詩錄詩一首

袁皓

碧池書

三十卷

白錄

一卷

元興聖功錄

三卷

集道林寺詩

三卷嘉慶乙亥裔孫錫光補輯梓行

按皓嘉定志錄詩四首全唐詩錄詩四首全唐文錄

文三篇

鄭谷

雲臺編三卷共四百篇自序明分宜嚴嵩自祕閣錄出後刻全唐詩錄三百三十首乾隆己巳分

宜嚴宗定辛亥萬載辛炳喬先後重鐫嘉慶乙亥袁錫光編入袁州唐集內梓行

宜陽外編一卷

國風正誤一卷書不傳

按諸志載谷詩於雲臺編三卷外又云有宜陽集三

卷攷宜陽集邑人劉松輯其輯谷詩三卷即雲臺編

詩非宜陽另又一集

劉松

宜陽集

六卷集郡人天寶以後歌詩四百七十首見唐書藝文志內松有十首

按松嘉定志有詩一首

盧邈

迴文詩

三百首宋嘉定志作二百首

王轂

集三卷

按轂全唐詩錄詩十八首

張爲

詩一卷

主客圖

一卷咸通十二年作乾隆間河澗紀昀曉嵐集錄嘉慶乙亥袁錫光重訂復鐫

按爲全唐詩錄詩三首

楊夔

集 五卷

冗書 十卷

冗餘集 一卷

按夔全唐詩錄詩十二首全唐文錄文二卷共二十

一篇

南唐

何溥

論氣正訣 一卷

宋

彭俞 俞一作愈

君子傳 三卷

字說拾遺 二卷

循吏龜鑑議 十二卷

治縣法 十卷

子產考異 一卷

三栢年表 一卷

雜說 一卷

文集 二百卷

貫道編 五卷

園府議 十二卷

夏臺議 十卷

時議 三卷

燭理集 六卷

妙觀筆記 五卷

妙觀論 三卷

奪化歸真內景議 二卷

羅誘

宜春傳信錄

三卷已佚袁錫光考輯歸入袁州宋集後

孟浩

歸枝集

李公凱

毛詩句解卷二十

明

劉迪簡

尙賓集

高琬

高氏年譜

龍瑄

鴻泥集

燕居集

蕭義

葵菴集

郭進

遺珍集

易直

詩文集

家禮

楊以正

仰山稿

陳巽言

陽明先生摘要 一卷

袁業韶

性理說約 吳三益序

修齊正矩 俱受業弟業泗梓行

袁業泗

秀橋集 自序

歸來集 自序

訓蒙編

燕遊草

兩朝奏議

袁一鳳

驚秋集

袁一鼇

措大草

宦遊草

燕居草

何山

叔子文稿

袁繼咸

六柳堂遺集

明袁臨侯先生繼咸著先生詩古文副在六柳堂者計一百六十卷有奇馬士

修王季重楊機部張爾公皆有序罔變以來版刻具燼今芑山先生徧蒐四方同人獲十之一二所存僅奏疏書咨及乙酉後詩集絕命帖他軼不載聊以見六柳堂忠節之一斑耳載道濟堂書目

魏鶴山集

宋魏了翁著袁臨侯先生舊評載道濟堂書目

晉三立書院記

四山樓稿

未優軒集

李之椿孫
嘉滄序

潯陽紀事

山右洗冤錄

梁嘉植

四書文稿

袁一唯

詩經櫛義

武林遊草

易嗣重

澹園文集

自怡詩稿

劉世華

易經秘旨

芝房雜稿

吳學辨

袁繼哀

自怡草

李從時

宴鴻小嘜詩 一卷

楊文盛

倚崖集

張自烈

四書大全辨 奉旨
增刪

按自此以下俱從道濟堂書目錄出

余家宰古方畧

征謀機備守律奇間八部余少原先生二樞纂輯進呈凡綱目廿一史裨

助實用者備載

批評陶淵明集

附蘇子瞻和陶王季重律陶黃子虛律陶纂

三唐人集

李習之劉孫可之樵皇甫持正湜各為一集

武闡決勝

刪取武經七書紀效新書附將苑心法諸葛兵要百戰奇法攻守器械救時私籌鏡

藥驗法與兵書贖本別

芑山文集

先生撰著盈篋游更兵燹半委灰燼四方及門因取焚餘僅存者授梓

河郵集

歷陽戴敬夫先生著

四書集註定本

訂正一字不謬

四書諸家辨

芑山先生合注疏大全蒙引存疑淺說及近日諸家講說編定校正精嚴

歷科今文辨合刪

芑山先生選校合明朝程墨為一集順治程墨附後歷科房藏大題

為一集小題為一集三集計文千有奇

續文辨合刪

及門申德聞滕公刻釐為三集如文辨合刪例

增刪郝京山九經解

郝仲輿敬著芑山先生合漢詁集解正義及宋明經解語錄重

加訂正

批評聖學格物通

湛甘泉若水輯撰格物通仿太學衍義編輯進呈者借篇帙繁重甚

山先生改錄小板重加評定辨正

朱子通鑑綱目

芑山卓菴評定凡例提綱係朱子手定目則門人趙訥齋屬草未經朱子

釐定今兩先生原本春秋大義據廿一史司馬通鑑及邱瓊山世史正綱諸書悉心辨正又博采宋元明諸家史論史評補尹起莘胡致堂所未及張周允語黜不載與陳太史明卿金閻刻本大別

函史考信錄

肝江鄧潛谷元錫編著函史上丁編蒐錄分注每多遺漏甚苦心惜文詞冗贅卷首不列目錄刪評註敘事中兼論斷

冊府元龜鈔 諸名家合訂是書初本分類猥瑣撰事失實前後重出尤多今合博學方聞之士參互考訂為冊府元龜鈔版省直廉購讀均便

冊府元龜鈔

刪定歷代名臣奏議 芑山評定名臣奏議舊本直朝

芑山先生精加較讐隨類編次或刪或補若有評注續人明朝名臣奏議增所未備與舊本吳闓

刪定歷代名臣奏議

芑山評定名臣奏議舊本直朝

今芑山先生精加較讐隨類編次或刪或補若有評注續人明朝名臣奏議增所未備與舊本吳闓

新本大別

明史綱目

芑山編據歷朝實錄鴻猷錄大政記吾學

史錄編世法錄朝野彙編今獻備遺兩朝制復錄兼雜采諸家聞見傳記例仿綱目編年紀事益以

論斷分省人物考擬附通鑑綱目

重訂正續文獻通考

芑山訂明雲間王元翰圻以馬氏通考詳交畧獻博采遼金元

明續其後又增節義書院氏族六書謚法道統方外諸考芑山先生依三考篇目詳加評注刪複正

誤每條後係以總論尤發正續二考所未發此稽古適用之全書也

大學衍義辯

芑山是正宋真西山衍義畧治平弗載

而寡要析義混而未精芑山先生合二書為衍義辨篇卷雖仍舊本評注實出獨裁

古今理學精義錄

芑山輯著性理大全博收寡要芑山先生合宋明諸儒文集語錄書

續擇其深醇精切者分學術治術二區編次成書

古今理學辨似錄

芑山編著明諸家理學著稱者非一人然其間與孔孟相悖者不少

今芑山先生特加辨析至是者錄入精義似是者詳加駁論雖周邵張程朱陸諸大儒未嘗概阿所

好明河汾餘姚肝江龍谿毘陵以下諸人皆不苟同

聖學殊同錄

以及餘姚新會近錄諸儒語錄取其事
異理同者各有發明歷代史事與經傳相合者附
見十之三四又以見史與經通也本末源流貫串

合

字彙辨

先生合許慎說文同文備考說文長箋六書

統六書精蘊字原正誘俗書刊誤古今韻會韻會
小補讀書通等書詳加訂定凡引證諸說先經次

史次子集次雜著外
典與梅誕生原本別

四書辯註

朱子晚年自謂未盡者後學不審去從誤

以旁義為正義以未盡者為定論往往與聖經牴
牾今芑山先生精加參互又輯諸大儒講說分列

上方間附已見
與各坊講義別

詩歸辨

易林悉芑山先生鍾譚舊本今芑山先生重訂細評

未備卷首增詩家
全體與舊本別

古詩文辨

別補入各有評注又廣蒐明朝諸名家古詩文錄

其尤最者附漢唐詩文後古詩文之體之法備于
此與辨體明辨舊本小別

與嘉興沈石夫新本大別

古文嚴

李弦佩先生選評是編李先生視學江南

古文辨初編

節義及經濟適用之文

古文辨二編

明經傳折衷義理之文

古文辨三編

事之文他小品雜著探奇志怪之作為

古文外
編四卷

古文長編

編與短篇廣行末仍附刪例四卷短長篇

宜合觀

文中子集 隋王通著 芑山評

元次山集 唐元結著 芑山評

鄭一拂集 宋鄭俠著 芑山評

林和靖集 宋林逋著 芑山評

徐節孝集 宋徐積著 芑山評

胡忠簡集 宋胡銓著 姜若之先生評

薛敬軒集 明薛瑄著 芑山評

樓山堂全集 明吳次尾應箕著 樓山自授者詩文未備 芑山先生合甲申以後及殉節諸作

評定

皇清

嶧桐集 明徵君劉存宗先生誠著 先生自刻嶧桐集 未竣今芑山先生同其似公與父幼濟參伍

選定併續入甲申以後諸詩文與心史胎髮集并傳

陳之龍

甍湖小草

偶噓集

張自勳

綱目續麟 三卷

卓菴心書 四卷

按已上二書俱已進呈

內府嘉慶五年郡人士欽

贊重刻

周易九經廣義

卓菴編撰 採古帝王行事符合九經 興道致治者大書經下以為法 儆身

失國者細行分註以著戒庶經筵可以進講附總論一卷凡十卷

按自此以下俱從道濟堂書目錄出

周禮正贖

卓菴定周禮世稱周公作或謂始於劉歆成于鄭元漢武詆其讀亂何休斥為陰謀

要非盡出周公書先儒宋景濂多所駁正今卓菴先生推本周易春秋大旨詳為論定篇卷仍舊評

註特精

廿一史獨斷

卓菴定史家一出一入最不宜紊淆又浮稱鮮實是非不明勸懲未著卓菴先

生嚴加訂正以傳為案以目為斷上中下三卷畧見義例

古今逸史

卓菴輯綱目所載止于官職仕宦事蹟卓菴先生蒐採歷代隱逸書法如綱目例其

有篤命強辟守節不屈者仍書死之庶幾顏禹同道之義凡十卷

朱陸折衷

卓菴編時人是朱非陸今卓菴先生合兩家論著詳為參較既列其異復滙其同庶

令道術歸一附刻朱子晚年定論及席元山鳴冤錄凡阿附紫陽妄詆象山者皆有較正

增定學思錄

卓菴輯著朱子小學采四書禮經為今人習見近思次第雖詳中多濶迂今卓

菴先生芟煩補闕又周張二程外如豫章延平西山及文清文成近溪諸儒皆有至論互發者悉為

編入先之小學次以近思明學思合一之意

楊文周

爐餘草

四知家譜

袁世琦

非非草

陳灝

四傑詩選

楊嘉材

燼餘草

螺山集詩文

共四卷

湯之相

周易聞定解

竹園詩草

袁一蓀

四書講義

易尙行

周易講義

四書講義

張世竣

春秋祕旨

性理纂要

劉士基

易經講義

林喬植

春秋典要

袁克觀

四書講義

袁克綱

五經纂要釋注

劉幼發

尚書輯解

袁克贊

學道編

經史辨正

劉長發

禹貢註

飛霞園詩集

黃在中

琴鶴堂詩集

袁芳杏序

袁起濤

尚友軒集

袁學淳文稿

易之泰

正家善俗

訂頑覺夢

袁芳杏

樂天堂詩集

盧見曾序

顏甲編

林有庶序

輯橫塘袁氏詩乘

上下二卷林有庶嚴思濬序

